

粵閩巡視紀畧

卷中  
下



93175

粵閩巡視紀略

經筵講官工部



己酉復至遂溪

庚戌行五十里至銅鼓又五十里止唐瑑

辛亥行五十里至梅菴鎮閱限門

梅菴鎮南距吳川二十里四面皆水螺旋以入

海南商舶多集於此居民數千家省會之通衢

也萬曆間議設海防同知駐梅菴

粵閩巡視紀畧

卷中

高州府領一州五縣四縣並海石城距西海已

見前吳川茂名電白皆距東海而茂名附郭元

年畫界自蘇斜渡歷新塲村

吳村乾塘村木灰村嶺上村過限口

河芷苴村吳川縣治東海村橫山村調列村

至博茂村為吳川邊邊

界以外距海二十里者為下吳村及附海南寨

村等

廣州灣青訓村麻練村木胃村特呈村暨新溝村鳳輦田頭黃村木歷村地聚村

硎洲俱移并續遷共豁田地七百一十七頃有

奇于限口諸處因界設守展界稍復今從吳川

營撥守蔴斜諸汛

蔴斜把總一兵四十名博立臺十五名茂暉臺十五名限

門巷東西烟墩十名岐山臺十名文筆嶺五名東海臺五名

侯閔定

限門在吳川邑南三十里納三川之水入于海

三川者一吳川二陵水三羅水吳川源出鑑江

陵水源出廣西北流縣扶來山下羅水出北流

縣峩石下二水合于化州又會吳川于合江渡

吳川縣西一百十里有羅州故址宋檀道濟所

置也三江合流過縣西復分三川旋繞縣南復

合爲一至限門入海水道曲陘值潮退沙磧淺  
露或潮滿風急舟楫多阻故名李元暢有限門  
賦略云吳川濱海而縣其南三十里有限門焉  
納鑑江零洞潭峩諸水放于海門廣盈丈夾磧  
對峙如虎牙錯淺流中逶迤而入卽瞿塘之險  
不是過每風濤搏激其響如輕雷聞百里瓊雷  
碇洲僅隔一衣帶水風勁可一瞬杭之海上有  
故此門設半旅可當劍閣一夫也商舶至非購

篙師定檣鳥不敢入稍失道觸淺流中夾磧舟  
立瓜碎亦海濱之雄鎮也賦曰登文翁之崔嵬  
望南溟其一杯疑巨靈之擘石駮重門之洞開  
納三川之積水轟萬古之奔雷挺螺峰以成戟  
斷鰲極以爲根限天險以南北通潮汐以往來  
其爲狀也斷磧橫絕如環半缺對錯猛牙雙流  
積鐵含形內虛盤紆曲折陰雲結駟以長驅高  
浪翻車而無轍或命大鰲而建羽旗或吐晴虹  
粵閩巡視紀畧

卷中

三

而安綽楔

二云

二云

解縉過吳川詩云吳川望海水冥冥萬斛龍驤  
一羽輕沙積煑鹽疑皓月潮痕遺貝麗繁星矨  
洲夜露金銀氣神電晴嵐鶴鶴鳴玉節南來天  
北極安邊歸頌海波平

寧川所在邑治

文筆嶺在邑西南七十里一名特思山其山雲  
起卽雨邑人特思而望之故名有唐刺史馮士

廟墓

特呈山在邑南六十里其北有茂暉塲山形秀  
聳海中因名城南河畔有極浦亭宋李凌雲隱  
處宋亡後丞相陳宜中走占城過此賦詩云顛  
風急雨過吳川極浦亭前望遠天有路可通環  
冀外無山堪竝首陽巔嶺雲起際潮初長海月  
高時人未眠異日北歸須記取平蕪盡處一峰

圖

出限門一百五十里有桐洲長七十里廣十里  
桐字土人讀曰撓宋史作桐洲屹立海中當南  
北道乃雷化犬牙處宋景炎三年端宗避元次  
此而崩羣臣欲散陸秀夫曰度宗皇帝一子尚  
在安置此遂與張世傑復立衛王昺爲皇帝年  
八歲填海錄云是日午登壇畢還宮御輦所向  
有龍拏空而上身首角目俱全暨入室雲陰不  
見因改元爲祥興升桐洲爲翔龍縣有上北村

下北村中村南村遷界俱移今未復

南山渡亦島名在碇洲西北五六里長三十里

廣七八里

自博茂村歷老鷓鴣埔村地金村楊梅村碌晒村至王村為

茂名邊邊界以外附海八九里至二三里龍秋

諸村那泥村調到村廣潭村牛騎屈村流架村梅樓村那礫村東八村海頭上下村潘村

鳴鼓埔尾排山莊給譚芋條突村條寅村馮村

吉兆村東山村壯酒村橫埔村下楊梅村潭八

村那水村乙勉村籐茅村張要村那餘村鹿嬌

粵閩巡視紀畧

卷中

五五

英喬村小那礫村譚杆村譚進村俱移并續遷共豁田地肆拾

頃有奇因界設守展界稍復今從高雷總兵營

撥守博茂諸汛博茂三十三名東港五名譚衢五名那礫四十名鹿嬌五名西

河五候閩定

博茂村以錢博潘茂名二人合取之先是有道

士潘茂名者功成上昇因以名縣貞觀中改潘

州道士嘗入山遇二人奕道士顧謂之曰子亦

識此乎曰入猶蛇竇出似雁行道士笑可其說

因授以服黃精之法縣南二里有茂嶺亦以此  
名南越志漢末建安十六年衡毅錢博拒步騭  
于高要縣毅投水死博與其屬亡于高涼呂岱  
爲刺史博因請降遂以爲高涼都尉高涼置郡  
始此邑之鄉名有上博下博

嶺表錄異云鹿子魚有鹿斑赤黃色羅州圖南  
海有洲每春夏此魚躍出洲化而爲鹿曾有人  
拾得一魚頭已化鹿尾猶是魚南人云魚化爲

鹿魚腥不可食

壬子行六十里至沙苑又六十里過蠻場又三十  
里次樹再

癸丑行二十里過電白縣遶城折而西南行十里  
至海邊登白蕉墩山特高聳望大洋天水相涵無  
復涯涘漁舟出沒隱見如烟中葦並海多鹽田雪  
練皎皎蓮頭放鷄諸山簪列螺浮蒼翠可攬蓮頭  
港口在縣南三十里水行止十里由此迤西有博

賀臺去縣三十里水行止二十里又西有赤水港  
去縣六十里水行止三十里又西有流水臺去縣  
九十里水行百里又西有河口臺去縣三十五里  
水行五十里此電白之東南境也赤水蓮頭山後  
三港俱可泊舟

元年畫界自王村歷沙苑墟

那花嶺那盧村水東村彭村上下陳

村紅花尾山麻洞村平嵐山白蕉山電白縣治  
樹仔村孔雀村菜豆山那禪山麻絲村平藍村

下藍

村 至長山爲電白邊邊界以外距海十里者

粵閩巡視紀畧

卷中

七

馬鮫頭村白蕉村附海八九里至二三里山後

村等

菜豆村新村上前村藍村佛堂村赤山村  
蓮頭村博賀村那尾村新溝南北村橫山

村巷口村大中小紅花村王村蛋塲村老蔡村  
上山兜村下李村王村仔下山兜村迷村張耀

村下寮村聳岳村新坡村下埠村暗鏡村迷勒  
村下潘村海頭村巽村沙沙村聳村大園村

俱移并續遷共豁田地一百二十六頃有奇于

山後河口諸汛因界設守展界稍寬今從電白

營撥守流水諸汛

流水九名南海把總一兵二  
十八名赤水臺九名沙尾九

名山後臺十四名山後把總  
一兵三十七名河口臺十名 候閱定

電白縣治卽神電衛城也洪武二十七年都指揮花茂築土城永樂七年甃以磚周一千一百丈有角樓四敵樓四十正統間燬于僇寇舊縣在府東北寶山下獅子坡蓋以高州之地東西北三面皆僇而獅子坡控其咽喉故也景泰間流賊雲擾成化四年徙縣治入神電衛城隆慶五年倭犯高雷陷電白及錦囊所城殷制院正茂檄總戎張元勳駐從化復檄僉事李材許孚遠分道督兵逐捕材方勦羅旁寇大捷聞有倭警曰電白與神電同城海北要區也不俟檄至而先趨之至則會兵合擊俘斬一千七十五員名高雷悉平

蓮頭山在縣南十里秀若芙蓉四十里有蓮頭港出奇壁山下北流南接大分洲入海奇壁山在縣西十五里山色蒼潤如壁故名

寰宇記云海出驂馬尾如牛水犀似牛角似龍

一曰龍鯉又多珠鱉狀如肺四眼六足而吐珠  
又有文魮鳥頭魚尾鳴如磬而生玉述異記云  
海中有鮫人不廢機織其眼淚則出珠南越志  
有君魚長一寸背骨如刀逢諸小魚及龜腹皆  
破之

甲寅行四十里至儒崗又六十里止太平驛

乙卯行七十里止樂安

舊營名屬陽江

又四十里過麻橋

河又十五里止陽江

粵閩巡視紀畧

卷中

九

丙辰偕諸公自陽江登舟行三十里至北津寨寨

因山爲城登之可以遠眺有兩砲臺一曰南津與

北津對峙夾海口而海陵島在其前自陽江並海

西南行四十里有白鹿

疏稱北棗

砲臺又十里有豐頭

港自陽江至豐頭陸行則甚遠爲途一百里而水

行邪徑止四十里自豐頭又西南五十里爲雙魚

所又二十里爲白額

疏稱北額

港此陽江西接電白之

境也自北津東南三十里爲三汊港與陽江邪徑

相距六十里自三汊港又東至海朗所四十里此  
陽江東接廣海之境也

肇慶府屬州一縣十惟陽江一縣並海而恩平

開平二縣亦與內海相通元年畫界自長山陽屬

江 歷鋪戶仔山 樓坑嶺崩牛山蒲山嶺雙魚所

滙田村丹朗村小那羅村過河北祿岡坪岡村

南落山那洞村山尾村過河北津山潮浦山爛

頭山那伏山花村鳳凰山那 潭洞村合掌山官山蔡背村 至長逕紫羅逕口

粵閩巡視紀畧 卷中

為陽江邊邊界以外距海十五里瓦卻平嵐十

里赤萇舊塲餘附海八九里至一二里允泊雙

門等 梁棟東平海朗新海朗北政西平壠平舊

塲石橋合浦鑪背山麻洞潮浦鑪仔大溝

舊塲白沙三义新寨勝塘 及海陵島俱移并續

西塘北環口洋烟樓區村 遷共豁田地三千一百六頃有奇于北茱雙魚

諸汛因界設守展界稍復今從春江營撥守北

額諸汛 北額十名雙魚所守備一兵九十名豐

頭把總一兵三十六名程村把總一兵  
三十九名平岡千總一兵五十三名北茱把總  
一兵三十九名北津千總一兵五十九名三汊

十名 候閱定

北津山高二十餘丈自東沿海偁旅而來外扞  
奔潮內衛村陌邑之外藩也上有望海亭夾口  
對峙者曰南津山亦並海而西數里方止流其  
中者爲漢陽江源出古銅陵縣浮雲山南流至  
陽春縣會羅鳳石磔諸水經南恩舊城蓮塘河  
鼉江注之蓮塘河源出琨水經尖山合于鼉江  
鼉江東派至獨洲都爲潭世傳有龍潛因名龍  
濤又名鼉江同至北津港門入海兩津之間有  
獨石高十餘丈圍四十餘丈出海口二里許其  
下深不測萬曆二年倭陷雙魚總督侍郎殷正  
茂檄總兵張元勳副使趙可懷自新會發嶺西  
道劉志伊僉事石盤自肇慶發叅將梁守愚先  
至陽江衆議賊已舍舟必逸內地當設伏以待  
之已而賊果奔儒崗官兵遮擊于藍水施村大  
敗之俘斬八百一十二級復有餘倭自白額港  
登岸屯聚望夫坪石諸處官兵擊殲之餘黨悉

平萬曆四年總督凌雲翼奏立北津寨寨設船  
三十四官兵九百七十六員名自芒洲娘澳接  
廣海汎地歷海陵放鷄蓮頭至吳川赤水港止  
與白鴿汎地相接

雙魚所城在陽江洪武二十七年指揮花茂建  
周四百八十丈萬曆二年倭陷城署燬三年重  
修

海朗所在陽江縣東南花茂建周八百五十丈

鳳凰山高百餘丈周二十里一名北甘山壁立  
千仞有瀑飛下猿猴不能至相傳鳳凰巢其上  
遇大風雨嘗墮如雀而足稍短截其嘴爲鳳凰  
杯蓋鴟雀之類

望夫山在白石都接電白縣界高四百餘丈周  
四百餘里有石如人引領狀傍有丫髻石  
海陵島自北津寨渡海三十里長八十里廣四  
十里自平岡渡直過止十里舊志云海陵山高

三百丈周二百里列爲數峰上有盤石非人力  
可致而螺殼相粘舊名羅洲又名羅島圖經云  
海中有魚五月五日夜悉登岸化爲鹿其中峰  
爲牟黃山東爲平章山下有平章港受海陵漲  
潦以達于海西南爲馬鞍山山下爲賊船澳西  
北爲鴉洲山海陵巡檢居之宋史載末帝昺旣  
亡張世傑將之安南舟抵平章港口颶風大作  
或勸世傑登岸世傑取瓣香登舵樓祝曰吾爲

趙氏亦至矣一君亡復立一君今又亡其所以  
未死者庶幾別求趙氏立之以存宋祀天若不  
欲吾復趙氏則覆吾舟舟遂覆世傑溺焉相傳  
世傑死軍士得其屍焚化函骨葬于平章山下  
或謂葬處在潮居里赤坎村而邑無潮居里惟  
邑東有赤坎村亦不在此山下弘治己未知縣  
柯昌大封赤坎村墓陳獻章作詩紀之王佐以  
爲潮居里赤坎村皆在香山此陽江之冢乃疑

家也存之俟考其聚落有長沙村石潭羊蠓村  
麻錦鷄頭村丹朗村那賴村高田村那黃村那  
羅軍寨北祿村新寨施村牛屎埠陳豹仔北寮  
村郎下藍袍白水宮花崩溪村那販望山梁村  
馬村下洞南涌門旱洞仔白石板河墩頭苦草  
雙貫白沙馬洞坑朗角浦山村南寶樓坑石門  
後湖梁康舊塲在版籍爲壽文白石二都元年  
遷移今復

粵閩巡視紀畧

卷中

古

丁巳行六十里至蓮塘又三十里止那龍爲恩平  
縣界

戊午大雨行四十里至占村又十里過那扶營多  
鹽田又三十里次鎮安屯志屬恩平周繚以垣垣外有  
溪遶之居民數百家屬開平縣界

三年續遷恩平縣共豁田地七百五頃有奇開  
平縣共豁田地一百九十九頃有奇邊界村名不具述

恩平縣明初無成化二年僉事陶魯立恩平堡

築城周二百二十五丈設巡司十六年建爲縣

崇禎十二年知縣王扉以山水不利更築新城

于黃河萌疑是  
萌字周四百丈未及徙國朝順治

十一年舊城爲土寇王興焚毀官吏寄居凹頭

始葺新城以居焉故有那  
龍營

開平縣崇禎十七年開設舊爲開平屯堡城止

二門康熙四年知縣高子翼名其東門曰紫來

南門曰常平而邢扶又屬廣州之新寧蓋犬牙

相錯也

己未大雨行四十里至白沙又六十里止新寧

庚申行十五里登舟又五十里止長沙閱廣海衛

寨城南面卽大海遶城而東廣二十里夾海口有

二砲臺西曰長沙距那扶營海程百五十里東曰

烽火距元頭山海程八十里廣海陽江之界有香

山口廣二十里

廣州府領州一縣十五附外海之縣五曰新寧

新會香山東莞新安游波內注復有三縣臨其

崖曰順德番禺南海元年畫界自長逕紫邏徑

口歷圍魚逕

象山陀頭松嶺虎山陡門過河橫山奇獸鬼岡烟岡文村柴格村奇

頭岡海晏街大芟荷村那馬村石角山沙爛山

小村上弓嶺荷木逕雙門山廣海衛過河廟後

村窰冲山田頭村冲金村南村東坑村曲岡

將軍山為新寧邊邊界以外距海十五里者有

幕赤企深灣曹涌十里石井那骨以至附海五

里銅鼓村等大麻村小麻村楊梅長沙莆草蛋

粵閩巡視紀畧

卷中

六

沙橋村高明角紅花崩土岡那  
要村北里村北里村北泊村 及上川山下川

山嶧洲諸海島俱移并續遷共豁田地一千七

百六十二頃有奇于廣海斗門諸口因界設守

今從那扶營撥守泗門等汛

泗門港把總一兵 三十五名陡門港

把總一兵

廣海營撥守圍山等汛

圍山三十名 上洋坑四十

名烏石岡六十名都斛汛千總一兵一百四十

名上閣汛二十名山背汛二十名長沙汛兵二

十名烽火角二十名荷木逕二十名海晏把總  
一兵一百名烽火角口把總一兵四十名白蕉  
灣四十名潭 候閱定  
濠口四十名

廣海衛城本爲新會縣禱洲巡檢司洪武間指  
揮花茂奏遷巡檢司于望頭鎮以其地建置衛  
城周九百三十二丈弘治十一年設新寧縣而  
衛城亦割隸焉明設守備一兵船二十八兵三  
百三十五名自三角洲接南頭汎地起至芒洲  
娘澳與北津相接隆慶四年倭從海晏雙門寇  
廣海陷之指揮王楨鎮撫周秉唐百戶何蘭戰  
死

上川山在衛南海程五十里長二十五里廣二  
十里有石筍村北坑村西坑村茶灣村高觀村  
鮎魚村山多香蠟林木今有畬人居之畬官主  
其征稅畬人宗族在新寧之那仗寨上川之左  
曰大金門海右曰小金門海皆在海晏都

下川山與上川對峙在衛西南海程六十里長  
三十里廣二十里有牙灣村野牛塘南澳村水  
洋村南洋村淡水坑塔邊村上步村下步村葫

蘆灣荔枝灣有新寧人居之洪武四年海寇鍾福全李夫人等自稱總兵挾倭船二百寇海晏下川廣州左衛指揮楊景追捕至陽江平之

黃金門在衛南海程五十里周二十里

五王島在衛東南海程六十里周三十餘里

蟒洲島在衛西南海程七十里長十五里廣十里

大牌海產苗蝦鱧白赤魚東南逕銅鼓山風濤

粵閩巡視紀畧

卷中

六

觸石有聲曰銅鼓海產多龜鼈紫菜鹿角菜其西南爲番舶往來之衝曰寨門海

紫霞海在邑西八里其上有紫霞山時出雲霞與水相映行舟多泊于此

辛酉行七十里泊新會閱厓門厓門去縣六十里又十里爲長沙汛虎臀去縣四十五里獨子山白石嶺皆其分汛

元年畫界自將軍山歷厓門口

逕口山百足嶺那仗村獨子山

大涌口山東鄉村長洲沙大九尾大楊瀝子沙泥岳三沙口麻園石洲沙橋并州沙橫海沙瀝

逕過河至古鎮爲新會邊邊界以外傳海二三里沙堆村等

獨洲村大灣村梅灣村沙角村新村梅角村長沙村鬼叫村

及

崖門島俱移并續遷共豁田地二千四百四十

八頃有奇于古鎮瀝口崖門諸汛因界設守展

界稍復今從新會營撥守長沙諸汛

長沙把總一兵七十

名厓門東西砲臺千總一兵六十四名石嶺五

名獨子山五名虎臀千總一兵五十名虎坑二

十八名崖口

候闕定

厓門山在大海中潮汐之所出入也高四十二

丈周八十一里與奇山相對中有港門可以藏

舟宋景炎三年端宗崩于桐州衛王昺卽皇帝

位改元祥興六月帝舟次崖門造軍屋千間行

宮三十間正殿曰慈元以奉楊太后二年正月

元張弘範李恒兵至崖山張世傑悉毀行朝連

大舟千餘爲一字陣奉帝居其間二月弘範命

恒等守崖分四軍夾攻世傑苦戰俄有一軍檣

旗仆餘旗皆仆宋師潰世傑與蘇劉義等斷維以十六舟奉楊太后遁去陸秀夫赴帝舟帝舟大且諸舟環結不可動乃盡驅妻子入海朝服抱帝俱投海中後宮妃嬪及翰林學士劉鼎孫兵部侍郎茅湘吏部趙樵樞密高桂等多從死越七日尸浮出海十餘萬時帝舟一白鷗哀鳴良久亦墜水死世傑奉楊太后還崖山太后赴海崩世傑收葬于崖山今崖山有楊太后陵又

有端宗未福陵卽帝昺嗣位後所奉安也按行朝錄填海錄俱云端宗葬崖山惟野史云葬于亂山民爲之諱其處至舊志云壽星塘側有陵迹五處則又在香山蓋馬南竇築疑陵也又有宋太后陵在香山梅花水坡上一在墳頭岡而元文類稱李恒追世傑至高州獲昺尸還報亦與志異

見舊志事紀

成化間僉事陶魯建大忠祠于

崖山祀文信國陸侍郎張樞密三人知縣丁積

割廢寺田二頃以供祀事以趙權伍隆起子孫  
守之弘治中右布政劉大夏奏入祀典徐僉事  
建全節廟于大忠祠後嘉靖中知縣何廷仁建  
思義壇于廟門外祀宋元時死義將士伍隆起  
者從與張弘範戰死陸秀夫刻木爲首以葬之  
今新寧西四里黃牛推車山有宋義士伍隆起  
墓

奇石山志不載但云與厓山相對有湯餅山陳  
獻章詩云北風吹浪卷滄溟杖屨船頭候曉晴  
滿路寒雲吹不散一帆細雨濕湯餅

崖山有大沙村舊設沙村巡檢司

長沙村舊設沙岡巡檢司距崖門海程十里陸  
路五里與廣海衛相對而近新寧之百峰山爲  
會寧開恩四邑接壤之地康熙二十年設把總  
戍之百峰山層巒疊嶂不可紀湯餅獅子皆其  
支隴故有百峰之名有板潭雩禱輒應

宋元熙六年置新會郡治益允隋改允州今新寧界外有允泊村是其遺蹟也

將軍山在邑西三十三里自潮陽都趨向流水與雙門逕山相接

熊子山在邑南二十一里大海中有四名曰鼠熊曰馬鞍熊曰東熊曰長熊熊當作能音若那鼈三足也又有紫水入于熊海宋皇祐間水忽變紫色故以爲名

鬱水自番禺分流至縣東爲江門陳徵君獻章所居也有碧玉樓嘉會樓閩人林應驄題詩云令伯可能忘菽水漢家終不屈羊裘至今傳誦又有釣臺卽付吳聘君與弼者也其流逕縣滯入于熊海東趨香山爲小梁海西自蜆岡至崖門入于牂牁爲南海汪廣洋詩云牂牁流水碧潺潺潮落潮生草木閒一片海雲吹不起越人遙指是崖山

癸巳行海程兩日泊香山

失記  
里數

甲午登陸自縣東南行山脊百里至前山寨左右皆臨斗絕之坡中一徑僅數尺止容昇輿頗稱艱險又二十里至舉門宿

乙未登舉中兩砲臺曠覽海南形勝蓋香山一邑位廣省之正南環通四潮島嶼森拱而舉門一鎮又在前山寨之南一名濠鏡舉亦曰香山舉形如靈芝廣二十里長半之正北一石埂貫大海而屬

粵閩巡視紀畧

卷中

三

于前山寨廣十餘丈長六里如芝之有莖埂與寨相屬處築關守之曰鬼子關啓閉有節島中居人皆番彝約千餘家土人有非時闌出者關吏呵止之彝亦不得輒入焉然畧人食糧皆仰給內地土人常緝負至關前與爲市畧中雖有砲臺不設戍兵彝自爲守彝所恃者砲東曰大砲臺列砲二十六最大者一重萬斤少次者一重九千七百斤又次十五各重五千斤又次五各重四千七百斤最

小者三各重四千五百斤西曰汪洋砲臺列砲十  
有一大者六各重五千斤次者二各重四千五百  
斤小者三各重三千八百斤賊在數十里外用遠  
鏡登臺矚之帆檣兵械甲裝服色毫髮畢照舉砲  
一擊皆糜碎矣以此無敢近者自有海寇以來舉  
門無失事康熙八年議斥逐諸彝卒亦不果至今  
安居如故自舉而南海程十里爲十字門山如兩  
眉橫列而闕其正中又南十里爲小橫琴適當缺  
口又南稍西爲大橫琴重案也自舉而西海程二  
十里爲三竈島又西二十里爲黃梁都自舉而東  
海程三十里爲涌口又二十里爲旗纛澳又有蕉  
門黃角潭洲村諸島在舉之東北而沙尾北山在  
其北止隔一水諸島雖爲省會之案砂而周羅環  
匝舉門獨居其中如蓮之有葍亦一奇也是日又  
閱黃梁都穿虎穴夜行二十里宿翠微村是處虎  
特暴悍能登人屋極裂椽以入破壁而出居人皆

以鐵櫃爲門關嚴設警備猶惴惴不保云

丙申行五十里踰逕嶺嶺甚峻千崖聳列中逼一  
逕旋折如絲憑高下視山麓皆在雲中也午刻抵  
縣登舟邑諸生黃達卿來謁貽先集四種乃其祖  
少詹名佐者所著也佐博通羣籍又諳南越掌故  
嘗爲省志至今重之

元年畫界自古鎮歷觀音山

鷄頭山赤金山疊石山竹仔林曲涌

後岡大湖洲山凹泥埔鹿鳴山深灣村王母山  
小猴子山空隍山馬驢山楓門坳石塘村茶頭

粵閩巡視紀畧

卷中

三五

岡穀園山涌角長沙埔界田心墟翠微村三窰  
背村北山前山寨白石山吉大村關開口南坑  
山濠潭村黃坑山金口山麻園山神前嶺大沙  
岡後龍山東岬山鹽田村企石山下田村龍穴  
頭村獅子村麻子村東州  
門獨子山潭洲山黃角山至小虎山爲香山邊

邊界以外黃梁都沙尾村北山嶺旗纛澳橫琴

山等諸海島皆移并續遷共豁田地四千一十

七頃有奇于前山諸汛因界設守展界稍復今

從香山營撥守深灣諸汛

深灣把總一兵三十名麻子埔十名白石

汛五名石塘汛五名茅灣臺十名秋風角十名  
沙尾二十名平頂山十名角頭山十名涌口門

把總一兵四十名水洲山十名關開把總一兵  
二十一各北山嶺五名吉大臺十名鷄拍臺十  
名  
侯閔定

阮詠縣治記云香山環海孤巖昔爲東莞之一  
鎮宋元豐建爲縣繚以土垣號曰鐵城但設寨  
官卽所謂金斗鹽塲也初治七星峰下元末遷  
于蓮華峰是爲今治瀕海有插笏山又名獺窟  
香山所在縣治

日南徼外占城以西諸國番人雜處粵省爲日

粵閩巡視紀畧

卷中

三

久矣省城懷聖寺番塔創自唐朝輪囷十六丈  
而宋余靖亦言粵臺之下胡賈雜居特不能定  
其來自何國今舉門諸彝自言大西洋人明萬  
曆間有利瑪竇者始入中國見舉門風氣苞固  
因請于彼國遣衆聚居爲互市計其人多巧思  
善製器亦能治曆士大夫樂與暱近相沿往來  
不絕初至時每歲納地稅五百金

木朝弘柔遠之德謂國家富有四海何較太倉一粟

特與蠲免彝益感慕其所事之神曰天主高其  
觀堂備極華飾京省皆有之而在舉門者爲尤  
盛也其像爲女子抱一小兒被服珍怪障以瓊  
璃望之如生女子曰天母名瑪利亞所抱兒曰  
天主名耶蘇漢哀帝時人也其室之右有風琴  
臺懸銅絃琴時時自鳴又有鈺鼓管簫諸器藏  
機木櫃聯以絲繩輪牙紛錯互相擊撞旋轉旣  
窮則諸音自作如出手口左爲定時臺巨鐘覆

其上飛仙立臺隅操椎擬鐘亦以機轉之按時  
扣擊子一丑二以至亥刻十二擊無少爽前揭  
圓槃書十二辰日加某時則蟾蜍銜籌指其位  
主其教者道士也無室家在舉者方姓諸編戶  
皆有室家婦女長裙絲履男子披髮戴番葉笠  
曳高屐著淺碧繡帔桃布行纏其交市以夜婦  
女主之男子不出也故事彼國洋船到布政司  
驗票收入其物胡椒蘇木哆囉呢洋酒其來嘗

以盛暑其去嘗以臘底因風便也其行賈之地曰大小西洋小西洋去中國萬里半年可至大  
西洋去中國九萬里三年始至禁海時番船暫阻  
畧人貧困康熙二十年貢一獅子求通商以濟  
遠旅許之由是蕃舶復通予至畧彼國使臣率  
其部人奏番樂以迎其樂器有箏篋琵琶歌聲  
盟咿不可辨使臣手握赤籐杖質如珊瑚光潤  
通明而柔韌可卷不知何物爲彼國所甚重非

王賜不敢握若符節然畧中握杖者四人而已  
已而迎者益衆競放烏鎗其聲拉雜將至館兩  
臺砲聲大作山谷爲動館予之室有三層作旋  
螺徑以入每進益高斲石爲砌精工絕倫牀几  
皆泥金地鋪鮮花蕊瓣厚數寸紅紫爛然侍童  
有白黑二種白者曰白鬼質如凝脂最雅靚惟  
羊目不眴與中國人異黑者曰黑鬼絕醜怪卽  
所謂崑崙波斯之屬也白鬼爲貴種大率皆子

弟黑鬼種賤世僕隸耳其貯茶用玻璃甌承以  
蕘盤進果餌數品皆西產也甘芳絕異有頃設  
食饌器止四而異香酷烈燔庖殊製鷄鳧之臠  
皆全體無骨又不見解剝之跡不知何以能然  
也方姓言舉中彝目三年一更皆奉彼國王命  
彼國王欽仰

聖朝每遣使必戒以恭順守法尚逆背叛時索其兵  
器抗勿予尚逆無以難也予一宿而行將行作

一詩慰勉之畧人出方物數種爲獻有玻璃屏  
一鏤金錯鈿備極瑰異千里鏡一連箭四五注  
所窺之物而徐展之數十里外可矚毫末自鳴  
鐘二大者高六七寸小者半之略倣定時臺之  
形扣擊亦同雙聯鳥鎗二長尺有咫可藏袖中  
不施燃線第用燧石嵌火門而挾以鐵機機動  
火發發必疊雙夜行用以警備人不能測予盡  
却之獨取其洋酒一筭其酒釀以葡萄色如琥

珎亦貯玻瓈罍內外澄澈十二罍共一筭也按  
岳倦翁珂程史載南海彝商事云番禺獠海雜  
居其俗尚鬼如中國之佛而無像用金銀爲巨  
槽合鮭炙梁米爲一沃以薇露散以冰腦羣聚  
食之其餉客則用酒饌燒羊皮作黃金色酒醇  
而甘與崖蜜無異居無澗匿有樓高百尺下瞰  
通流謁者登之以中金爲板施機蔽其下奏廁  
鏗然有聲有池亭方廣數丈亦以中金通甃凡

用鏗錠數萬中堂四柱皆沉香又有四柱欲徂  
于朝舶司以其非常有恐後不繼不之許有窾  
堵波高入雲表外圍而加之以堊望之如銀筆  
梯級圓轉如旋螺每層啓一竇四五月間舶將  
至羣獠臨竇啁晰號呼以祈南風亦輒有驗上  
施金鷄用代相輪其制作瑰異飲食芬潔絕類  
今時是知前此來通中國固已有人矣又昌黎  
集有赤藤杖詩云世傳眞神出水獻赤龍拔鬚

血淋漓又云羲和操火鞭暝到西極睡所遺與予所見亦相近但云出自滇南亦不必產于絕域也存之俟考

萬曆二十六年呂宋市舶至舉舉人拒之不得入二十九年紅毛鬼國駕大舶至舉舉人又拒之番彝譯言但求通貢不敢爲惡臺司怪其無表不納遂巡竟去歸途爲滿刺伽國遮殺殆盡今臺灣相傳爲紅毛地云

唐始置市舶使以嶺南使臣兼領之設市區以居番人番舶最大者爲獨檣舶能載一千婆蘭

蕃人謂二百斤爲一婆蘭

開元中用蕃人言欲通獅子國監

察御史楊範臣以爲市舶與商賈爭利非王者之體上引咎罷之元和貞元中蕃人數不靖討平之節度使王處休令市舶之外一無所取嘗表奏曰海門之外隱若敵國資忠履信貽厥將來時稱得體宋開寶四年置市舶司于廣州熙

寧中罷明杭二市舶司皆隸廣州大觀中復舊  
建炎元年禁買篤耨香瑪瑙貓兒眼諸無用物  
惟取象犀可充帶飾者乾道初置提舉官元罷  
之禁勿開明初復設凡東洋交市多用絲紵回  
易鶴頂等物西洋交市多用川廣貨回易胡椒  
等物沉香有黃沉烏角沉至貴有蠟沉惟奇南  
木乃沉之生結者犀角有烏犀花犀通天犀至  
貴有復通犀洪武二年初置市舶提舉司設署

廣州城外一里卽宋市舶亭海山樓故址也宋

樂間遣內臣鎮守領市舶事尋于廣州峴子步

創室一百二十間以處番人隸提舉司正德中

佛朗機國稱朝貢闌入東莞南頭樹柵以居砲

聲轟烈震賊遠邇多爲不法甚至掠十歲以下

兒烹食之姦民因爲誘販每口得金錢五十枚

有司廉得以開發兵逐捕戮其渠魁亞三餘猶

狡抗數用銃敗我軍或獻計募善泅者伏水鑿

沉其船始敗遁去佛朗機砲自是始入中國是  
年有詔絕番舶而粵市蕭然無復舊觀兩廣巡  
撫林富奏曰按祖訓安南真臘占城蘇門答刺  
西洋爪哇彭亨白花三佛齊渤泥諸國俱許朝  
貢佛朗機本不載祖訓布政使吳廷舉誤許其  
貢致有驚侮誠爲失考成憲乃因此盡絕諸蕃  
舶不幾因噎廢食乎以臣度之蕃舶通時抽解  
可供御用存庫可佐軍餉小民持一錢之貨卽  
得握椒展轉貿易可以自肥廣東舊稱富庶良  
以此耳因民所利而利之誠與尋常言利者不  
同至于內外之防但須嚴勅津戍有祖訓不載  
之國而妄冒貢舶者立驅出境自不致意外之  
虞矣疏入報可于是番舶復通

國朝不設市舶提舉兼領于鹽課提舉司禁海并罷  
復通後令番舶駐前山寨陸運貨物至香山令  
藩幕一員監之今遣部屬董其事

黃梁都長百里廣八十里周四百里由香山小河五十里至海崖渡海二十里抵島岸其村落有東澳村大乾霧村小乾霧村南山村南門村大赤坎村小赤坎村山蕉園油麻埔斗門村小濠涌村大瀝岐村三洲村芋葵村沙江村山底村大濠浦村荔枝山泥灣村龍潭村南禪佛村湓涌村黃泥塘村黃楊山諸處黃楊山卽鄧光薦携家隱居地也光薦廬陵人至此遇寇妻子

十二口俱焚死復走之烏巖山與文信國同舟倡和光薦有題崖石詩久之成東海集信國爲之序三洲山去烏巖二十里三峰並立海中亦名大園山赤坎岡卽在黃楊山之陽相傳爲張世傑葬處詳辨于海陵島條中萬曆五年日本薩子馬島賊舟二十餘寇溫州舟壞倭帥丹俄率四十餘人犯大鵬副使孫光祖參將胡震躡之九洲洋賊窘急登黃楊山官兵逐之殲焉

大橫琴長五十里廣三十里小橫琴長三十里  
廣二十餘里有橫琴村井澳井澳卽宋史所稱  
端宗舟過此遇風幾敗者也傍有湖居里宋世  
沙涌人馬南寶居之端宗至獻粟千石召拜工  
部侍郎景炎二年十一月以其家爲行宮南寶  
極力營護旣而帝之稠州尋崩還殯南寶家後  
葬于崖山宋亡南寶悲不自勝作詩有目擊崖  
山天地改寸心難與夜潮消之句後訛傳帝昺

在占城糾衆往迎被執不屈死明黃瑜井澳詩  
云江南破白雁過更無一寸土可坐自閩入廣  
隨波流流氛暗天天亦愁黃蘆埋岸風颼颼上  
有深井澳下有仙女澳漁舟不到御舟到風吹  
御舟力排募嗟嗟悲哉誰與告江南破白雁過  
宋末童謠也

三竈島長七十里廣五十里烏沙海滙其東林  
木葱蒨中有三石如竈故名其聚落有大索村

春花園茅田村魚弄村草塘村聖堂村上表村  
下表村斤竹園神前村銀坑村望下村占浦村  
島中春花園諸處腴田三百頃宋時在黃字上  
下園元時海寇劉進據之洪武初屬黃梁籍居  
民吳進添通番爲亂二十六年都指揮花茂奏  
討平之遷其民除其稅虛其地屯千人守之正  
德中南海勢家借新會虛稅影占此土招畬蠻  
盜耕漸以成熟自是島民相與攘奪數更其主  
知縣鄧遷清丈入官收其租貯倉備賑後因軍  
餉不敷變賣以充而田仍歸民矣其旁復有松  
柏峽白蕉山大托山蜘蛛洲坦洲諸小島

沙尾北山長一百里廣九十里

旗纛澳長九十里廣四十里

九洲洋九山星列在舉門東北鷄拍村在其西  
高欄在縣西南海程一百十里長四十五里廣

三十五里

黃角在縣東北八十里屬虎門汛長一百二十里廣八十里

鷄拍村隸恭常都有銀涌角宋世產銀屬廣州宜祿塲大觀中廣東廉訪使黃烈奏言礦內黃脉微甚而浮沉之人以納官爲名發毀民田非法詔罷之嚴禁私開三百年無敢動正德中姦民捏旨採煎遂成礦盜閭里爲墟

象角頭海在伶仃洋西二十里西接鱗鯉北連

粵閩巡視紀畧

卷中

三七

大欖

石岐海中有浮虛山與波上下在縣北七十里

三月丁酉朔行一百八十里泊順德

順德在香山之北少西亦四面通潮元年不遷

三年續遷豁田地一千二百二十一頃有奇

村名 今從順德營撥守仰船岡諸汛

仰船岡千總一兵三

不述 十五名馬寧汛千總一兵三十五名白藤二十  
七名橫流把總一兵三十五名大黃埗二十二  
名小黃埗三十二名龍灣遊擊一  
千總一兵一百七十名 侯閔定

順德縣本南海之東埗馬寧西淋三都地正統十四年鶴冲堡賊黃蕭養作亂討平之景泰三年析而置縣治大良保

呂嘉拒漢築石甕金斗二城金斗卽香山地順德城南七里有石涌村蓋越人謂甕曰涌也近縣諸村更有西涌涌口之名疑皆從此推

碧鑑海源出粵江其色澄碧可鑑人形縣北三十里曰三曹海又十里曰庚流海以水向庚流

故名縣西二十里曰錦星海又八十里曰洪濛海皆小川也縣北四十五里曰疊石海在桂林堡東接新會西南七十里曰石頭海西通香山皆自北而南注于大海

仰船海在縣西南七十里出三瀝海西通香山  
戊戌次廣州登粵王臺

庚子拜冬官命卽驛庭望 闕謝恩

辛丑謁南海神廟次于

廣州有重海在南海番禺之境者內海也元年  
不遷三年番禺縣續遷田地六百七十四頃有

奇遷界村各不述南海縣亦有遷闕時已復不贅按吳越春秋闔廬子

孫避越嶺外築南武城其後楚滅越越王子孫

自臯鄉入始興令越人公師隅修吳故城居之

卽今郡城是也通歷周夷王八年楚子熊渠伐

揚越自是南海事楚有楚庭亦如尉陀有朝漢

臺也其後越人爲楚所逼竄走叢薄而裴淵廣

州記云戰國楚相高固時有五羊萃于庭則遂

爲楚有矣秦以任囂爲南越尉立南海郡初居

瀧口西岸俗名萬人城旣乃入治番山隅因楚

庭之舊又以舊有五羊銜穀之祥曾築南武城

號五羊城尉陀代囂益廣之故今又謂趙佗城

漢武帝元鼎五年平南越號故城爲越城建安

末吳步騭爲廣州刺史以越城就圯乃廓其北

面番山爲番禺城二十二年遷州治于此隋開

皇十年析置南海縣治城北芝蘭湖今禺山卽在城內東南隅迤邐而北卽番山也三山連屬如長城南漢劉龔以南城尚隘始鑿平禺山以益之就番山積石爲朝元洞復以沉香爲臺觀于禺山上宋熙寧間經略使程師孟增築西城嘉定三年經略使陳峴復于城南築雁翅城以衛民居洪武十三年末嘉侯朱亮祖請連三城爲一關東北山麓以廣之周三千七百九十六

丈而規模大備矣其城形如覆鐘北枕高山如鐘紐卽粵王臺也登之可盡一城之勝東西南三面浚池長二千三百五十六丈獨缺北面宋世嘗于東西置堰潴水以限北城之址成化間巡撫陳濂議鑿北山溝通之慮傷龍脉不果行郡城三面皆江南距大海東江在城東南二十五里自博羅西流西江在城西北五十里源自泮柯合灘江過肇慶而東北江卽滇武二水過

臨武合于西江三江並會于城南海中東海之  
潮山佛堂門入惠州界歷甲子虎頭以達東莞  
之斜西海南入大洋分其餘波注郡南今去城  
百里至古斗村浩淼無際卽諸江會處也有石  
如珠屹立波心曰海珠石南漢創慈度寺于其  
上又東過瀝滘達于蜆江滙于南海廟前海隅  
出日水中見之有浴日亭是謂波羅江又合諸  
水入于南海

南海廟創自隋時唐天寶間始封廣利王元和  
十二年韓愈撰廣利王廟碑文廣州刺史孔戣  
立宋康定二年加號洪聖有玉簡玉視象鞭石  
視製作精巧又宋真宗賜玉帶及番圖金書表  
龍牙火浣布各一藏于市舶庫至和元年加王  
冕九旒犀簪導青纊充耳青衣五章朱裳四章  
革帶鉤鑿綺紱素帶大帶錦綬履鞮并內出花  
釵九株桂襴簪鑲畧曰賜明順夫人元時賜銀

益金旛今俱不存配以六侯曰助利侯達奚司空也曰助威侯社司空也曰濟應侯巡海曹將軍也曰順應侯巡海提點使曰輔靈侯王長世子也曰贊寧侯王次子也洪武三年額封南海之神盡除諸王侯封號因屢著靈異復賜金盃黃旛以荅神貺嘉靖初按察副使徐文溥始撤夫人像而鄉民猶崇信如故云廟在城南八十里本非海島然陸行必踰斗嶺仄徑不若一

帆之便而唐時刺史往往觀望怖悸以疾爲解委其事于副至以孔公親祀爲僅事是不可曉廟廷有兩波羅樹爲廟與江所得名其旁有扶胥鎮卽韓碑所謂扶胥之口黃木之灣也

浮丘山在城西四里先在水中若浮四面篙痕宛然宋初有陳崇藝者年百十二歲自言兒時見山根艤船數千今去海已四五里番禺雜記浮丘山下有珊瑚井相傳海神嘗獻珊瑚于此

又三里爲荔枝灣舊圖經云廣四十里袤五十里劉鋹建昌華苑于其上又十里爲花田彌望皆種素馨花南征錄云劉王宮人死葬于是至今花香特甚他處丹鉛餘錄載陸賈南中行紀云南中諸花惟素馨花香特酷烈彼中女子以綵絲穿花心繞髻爲飾梁章隱咏素馨花詩云細花穿弱縷盤向綠雲鬟用陸語也花繞髻之飾至今猶然謂之花梳

海目山在城西南一百四十里海中並列兩峰其形如目故名有芳秀臺龜石臺諸勝

暹羅貢使坤匣派拍紗來謁列貢舶數以上具言船名烏頭夾板舵正貢船長九丈九尺中廣二丈五尺三寸深一丈五尺四寸頭廣八尺尾廣一丈四尺桅名打馬樹大者長七丈五寸圍九尺次長五丈九尺五寸圍七尺象船長八丈二尺四寸中廣一丈八尺深一丈四尺頭濶四尺八寸尾濶一

丈大桅長六丈六尺圍五尺五寸次桅長五丈三尺八寸圍四尺正船空時食水七尺裝載食水一丈一尺五寸象船空時食水五尺裝載食水一丈二寸以康熙二十二年五月初二日發本國正船于閩六月二十日抵虎門象船于六月初十日自廣南外邇失風漂至廈門九月二十一日始至虎門

按暹羅國故爲暹國及羅斛二國地在占城極

南隋大業間屯田主事常駿至其地有地名吉赤土遂訛傳爲赤眉遺種元至正間暹降于羅斛始合爲一國明洪武初國王參烈昭昆牙遣使入貢未樂間與其旁國滿刺伽相讐殺成祖詔諭王曰比者滿刺伽國王亦思罕荅兒沙嗣立能繼乃父之志躬率妻子詣闕朝貢其事大之誠與王無異然聞王欲加之兵夫兵者凶器好兵非仁者之心况滿刺伽旣已內屬卽爲朝

廷之臣不先申愬而輒加之兵是不有朝廷矣  
王宜深思輯睦鄰國並受其福豈有窮哉暹羅  
王得詔悔禍息兵終明之世朝貢不絕在

國朝尤爲恭順康熙二年六年十年皆常入貢其貢  
品以龍涎香爲上在彼國每兩直金錢十二枚  
每貢不過一斤又有金銀香樹膠香羅斛香碗  
石犀角象牙翠毛龜筒六足龜鮫綃布紅撒哈  
刺布紅地絞節智布人象花紋布乍連花布葱  
白暗花布之屬龍涎香出蘇門荅刺國有龍涎  
嶼獨峙南巫里洋每至春間羣龍交戲遺涎石  
上國人駕獨木槎取之遇風則下海一手攀槎  
一手搯水以至岸其涎初若脂膠黑黃色久乃  
凝結或從魚腹剝得之有大如斗者遊宦紀聞  
云海傍人伺草上有雲卽知有龍睡守之至散  
卽知龍去矣得其真者和香焚之翠烟浮空結  
而不散有三種一曰泚水輕浮水面善泮者掠

取之一曰滲沙雜和沙中一曰魚食則從魚糞  
得之是又謂隨處可得不必蘇門之嶼也嘗閱  
雜華疏鈔及西域記西土諸香有旃檀薰陸兜  
樓婆畢力迦之屬以牛頭爲第一此香因龍鬪  
而生蓋梵語謂交合爲鬪今黎人猶呼雌雄兩  
鷄爲一鬪也龍涎當卽龍涎耳嘉靖三十四年  
司禮監奉中旨訪買龍涎香爲醮壇之用每斤  
給價一千二百兩徧購之番舶僅得十一兩益

以廣獄死囚馬那別所獻及密地山彝所採始  
滿一斤官司按驗其中有褐黑色者有褐白色  
者多用贖物攙和其難得如此南宋人多作詞  
味之王沂孫云孤嶠蟠烟層壽蛻月驅宮夜採  
鉛水李彭老云波浮海沫誰喚覺鮫人春睡呂  
同老云剪碎腥雲杵勻枯沫皆善寫實事唐藝  
孫云海蜃樓高仙娥綉小縹紗結成心字則又  
言烟縷之異要之珍賞非一世矣自蘇門荅刺

順風十二晝夜至錫蘭山國隋常駿至林邑極  
兩望見焉番語謂高山爲錫蘭因名有翠藍嶼  
在龍涎嶼之西北相傳釋迦嘗來佛跡猶存未  
樂七年太監鄭和至其地王不恭和潛師襲破  
其國擄其王以歸至京師赦之遣還更擇國中  
賢者爲王錫蘭之南界爲別羅里自別羅里西  
南行七晝夜爲溜山洋國又十晝夜爲古里國  
又二十晝夜爲卜刺哇國與柯枝小葛蘭接自  
小葛蘭二十晝夜爲木骨都束國自古里行十  
晝夜至忽魯謨斯國又二十晝夜至刺撒國又  
二十晝夜至阿丹國又自忽魯謨斯行四十晝  
夜至天方國西洋盡處矣永樂間所見西南諸  
國如此

壬寅行百里止東莞

癸卯行三十里至石角舍巨艦易邏海小牒出海  
口行二十七里至鎮口又十里至虎門寨登最高

山巔望大虎小虎山三門橫當砲臺及南沙海南  
柵寧洲等島決皆可盡三門在寨南二里又南五  
里爲寧州島南山砲臺在寨西七里又一里爲橫  
當臺又西二里爲南沙又西十里爲蕉門又西二  
里爲黃角左汎又西五里爲黃角右汎香山所轄  
也南柵鄉在寨東僅隔一水又東五里爲上角村  
又東三十里爲碧頭鄉而茅洲墟鹽塲在寨之東  
南四十里皆接新安境是日仍返東莞

粵閩巡視紀畧

卷中

吳

元年畫界自小虎山歷大虎山虎門寨等境

口缺

鎮蟻公山白沙  
大山大嶺山

至三角山爲東莞邊邊界以外

距海三十五里者新村柏樹矮岡三十里者白

泥坑田心寨龍眼北柵圍大寧墟溪岡大坑鍾

屋地羊灣尾懷德長坑獨樹二十八里者河潭

岡二十六里者田尾二十五里者鍾屋圍橫樹

頭二十二里者大寧西坑二十里者社岡增田

十五里者宮涌新地十里者壘尾濶澳餘九里

至一二里江門等

石岐村竹洲金洲角嘴崖小捷壑頭側岡尾上角白石凹

白石下路沙頭烏沙白石沙上沙大井上僅咸西蕭邊涌頭田寨

及海島寧洲

海南柵俱移并續遷共豁田地八百三十六頃

有奇于虎門諸汛因界設守展界稍復今從虎

門營撥守石子頭諸汛

石子頭把總一兵一百七各麻涌口把總一兵

一百二十四名到壘四十名大涌口七十名鎮口把總一兵九十七名三門臺二十八名南山

臺把總一兵三十一名橫當臺把總一兵一百名黃角把總一兵七十名候關定

晉咸和元年置東官郡領九縣首寶安卽治所

也在今縣南二百里隋開皇間廢爲縣唐至德

二年改名東莞移治倒埔卽今縣治也其寶安

舊基洪武二十七年改爲東莞所命千戶洪皓

開築城五百五十二丈萬曆初卽所城稍擴之

置縣治名新安沿寶安之名也其地土名石子

岡亦名城子岡以平曠如城故其傍有石鼓紋

如龍鱗鳴則兵起盧循入寇時嘗有聲今戍地

有石子頭倒壘皆相近地莞草名如蘭可以編

席

大嶺山在縣西南二十里奇特聳峭下視羣山如蟻垤瀑布水出其陽紫霞泉出其陰相傳宋世有道人崔羽號紫霞君遊羅浮至此鑿井得泉云

三門海在縣西南六十里因海中有大小虎山分水爲三故名潮水至此分爲三派已復合而爲一名大步海珠生其中曰媚珠池

虎頭門寨海島也縱十二里橫五里周十二里宋景炎二年張世傑奉帝舟次于秀山卽此又西南八十里大海中有梅蔚山景炎二年正月帝舟次于梅蔚卽此按是年二月帝舟移古塔十二月自秀山移井澳又次謝女峽劉深追之七星洋井澳在橫琴島籌海圖編有仙女峽九星洋在零丁洋西三角山一名蓮華峰九峰峻聳狀如蓮花上有池池中石與螭房相融結蓋

湧于海也

武山在大海中潮汐消長于此可辨宋余襄公靖紀行云凡月加午位而潮平者朔在日中上弦在日入望在夜半上弦前爲晝潮以後爲夜潮凡月加子位而潮平者望在日中下弦在日出朔在夜半下弦前爲夜潮以後爲晝潮此南海之潮候也按潮汐天地之呼吸也當其日中而平也日出初生爲吸之始日入消盡爲呼之終當其夜半而平也日入始生爲吸之始日出消盡爲呼之終消生循環呼吸互根一日兩巡此南海之潮候也然亦有不同者雷州人言調黎之水一日一潮那黃之水一日兩潮至域外尤多異候占城外羅歷大佛靈至崑崙山有七嶼七港號爲七門自朔至望潮水自東旋西旣望至晦潮水自西旋東真臘之潮自官船口注大埔朔望并潮一上七日水長丈六七七日後

日夜分爲兩潮水長一二尺是又不可解明世  
于此設武山陸營與虎門水寨相應天啓三年  
總督王尊德築城爲駐兵之所今不復設

缺口鎮白沙村皆巡檢司麻埭村一名中堡舊  
設中堂巡檢司

海南柵縱橫各八里周三十五里有南柵鄉南  
柵村西漏村留亭步溪泥凹板頭村冬瓜鬱村  
漏口村南岸村新村南漏口村溪頭村對面岡

粵閩巡視紀畧

卷中

五三

未原村西安村東北村

寧洲鄉縱六里橫三里周二十里有東村西村  
溪螺後村坑塘村崩沙村

南沙縱十五里橫十里周六十里

村名疑混  
入海南柵

甲辰復易舟行二十里次板土瀝

張正郎分閱新安新安城南水程二十里至伶仃  
山山外卽伶仃洋縣東一百六十里爲大鵬所其  
南面有七娘山山外爲老大鵬卽濱大海所城東

南有海口大船可入其東北過西鄉嶺小貴嶺復有港口僅通小舟大奚山海島在邑南水程九十

里志稱二百里佛堂門海島在邑東南水程一百五十

里志稱二百里

元年畫界自三角山歷馬鞍山等境源泉山河水口香櫟

圍周家山田心圍凉水井羊蹄山更鼓山北窰塘山龍灣山梅嶺村新英村赤尾村塘尾圍隔

塘圍箝口山平輦山後梧桐山黎峒村梧桐山鹽田村梅沙山溪洞山下洞山湧浪

山梅子林田頭山逕口山窯凹嶺至大鵬所

粵閩巡視紀畧 卷中

為新安邊邊界以外距海二十五里洪田二十

里嶺下鮎魚溪螺湖玉勒上寮白沙燕村十五

里粉壁嶺龍躍頭穀豐嶺石岡田寮白水鄧家

萌十三里黎峒十二里上水十里半天雲小坑

上下屯門漢塘高菁錦田豐園萌阿媽田平山

園山下村大井田心綱井石祖廟新橋丙岡及

附海六七里至一二里河上鄉等張屋村鷄雉上下步赤尾

隔田新英村江下穀田龍塘東山流塘埭心臣田北窰山猪凹西鄉鰲灣固戍大坑村龍騎大

對山橫岡大嶺下碧州屯村花山犬眠地鶴藪  
南蛇牛欄山西貢西洋尾王母澗沙岡下沙歐  
陽水背疊福關湖溪涌奇涌上下涌梅大彎鹽  
田麻雀嶺大步頭滙涌錠角村大梨園牛騎龍  
蛟塘大浪馬鞍山蠔涌天妃廟舊官富司衙前  
九龍古堦淺灣黃泥舖橫洲沙岡下村竹園官  
涌米步飯籬洲新田洲頭勒馬洲蛟洲白岡橋  
頭小橫岡石下新竈沙頭沙尾西涌榕樹角白  
石山禾岭岡石園塘黃田菱塘福末司竈下嘴  
頭角歸德塲白頭岡大步涌漁涸大田茅州山  
茅州墟東煮舖潭頭港口上下山門上頭田莆  
尾黃松岡石岡溪頭沙浦劉岡涌頭塘周山碧  
村暨佛堂門大奚山鵝公澳榕樹澳白沙澳鷄

栖澳南頭香港塘福梅窩石壁螺杯澳大澳沙

粵閩巡視紀畧

卷中

五

螺灣諸海島皆移并續遷共豁田地一千三百

五十九頃有奇于大鵬所置重兵又因界設守

展界稍復今從新安營撥守碧頭諸汛

碧頭臺千總一

兵四十五名佛子凹把總一兵五十九名南山  
臺千總一兵六十名九龍臺把總一兵七十三

名候閱定

佛堂門海中孤嶼也周圍百餘里潮自東洋大

海溢而西行至獨鰲洋左入佛堂門右入急水

門二門皆兩山夾峙而右水尤駛番舶得入左

門者爲已去危而卽安故有佛堂之名自急水  
角逕官富塲又西南二百里曰合連海蓋合深  
澳桑洲零丁諸處之潮而會合于此故名又西  
南五十里卽虎頭門矣其地又有龍穴洲嘗有  
龍出沒其間故名每春波晴霽蜃氣現爲樓臺  
城郭人物車馬之形上有三山石穴流泉舶商  
回國者必就汲于此又有合蘭洲與龍穴對峙  
上多蘭草故名潮至此始合零丁洋卽文信國

賦詩處桑洲之旁又有大王洲馬鞍洲陳璉詩  
云瀾漫合蘭海南與滄溟通蜃氣起鮫室珠光  
出龍宮

大奚山在合連海中俗曰大姨又有小姨山與  
俱峙中環三十六嶼周圍三百餘里居民以魚  
鹽爲生宋史慶元三年提舉鹽茶徐安國以捕  
私鹽致亂知廣州錢之望遣兵擊賊殲之遂墟  
其地後有萬姓者據之呼爲老萬山籌海圖編

載其名明祁順有大奚山詩滄海波濤澗奚山  
島嶼多空中排玉笋鏡面點青螺洞古雲迷路  
巖深鳥占窩昔人屯戍處遺跡徧烟蘿

南頭戍地古在屯門鎮曹能始名勝志載紀事  
云東莞南頭城古之屯門鎮韓愈南遷詩云乘  
潮破扶胥近岸指一髮屯門雖云高亦應波浪  
沒卽此也今志城池條不復載籌海重編圖載  
屯門澳在海中屯門山今名杯渡山上有滴水

巖虎跑井神僧傳云杯渡禪師不知姓名嘗乘  
木杯渡海因以爲號禪師入粵後又嘗至建業  
宿齊諧家宋元嘉三年九月死葬覆舟山至五  
年三月復詣諧所衆皆驚異尋復辭去云當詣  
交廣間云明嘉靖四十五年議設叅將一員駐  
劄南頭兼理惠潮萬曆四年題定止防廣州統  
兵二千餘餘艘八十艘常駐新安遇汛出海東  
自吳寮港接碣石汛地西歷大鵬佛堂橫琴三

竈至三角洲與廣海汎地相接廣海虎頭兩汎  
皆屬其節制又設中權二部水軍隸廣帥下駐  
三門與相策應議者曰日本諸島入寇多自閩  
趨廣柘林爲第一關宜會兵以扼之過此必越  
屯門鷄栖佛堂門冷水角老萬山虎頭門諸處  
而南頭爲尤甚東莞有備則不得泊矣又西必  
歷峽門望門大小橫琴零丁洋仙女澳三竈山  
九星洋諸處而浪白澳爲尤甚香山有備則不  
得泊矣又西必歷崖門寨門海萬斛山礮洲諸  
處而望峒澳爲尤甚廣海有備則不得泊矣此  
昔日備倭之說也

國朝厚集防兵于碣石虎門而南頭不復置戍焉

大鵬所城四面皆山洪武二十七年千戶張斌  
築周三百二十五丈雉堞一千一百門三康熙  
十六年八月颶風城樓雉堞皆傾知縣李可成  
修復自新安至大鵬沿海皆鹽田西鄉混州屯

門爲尤多

梧桐山在邑東四十里多梧桐異卉

龍躍嶺在邑東南五十里

粵閩巡視紀畧

卷中

五

粵閩巡視紀略

經筵講官工部尚書 臣杜璩 述

乙巳登陸行六十里止平山驛

丙午行三十里至白雲又三里至橋嶺又三十里

止鷺哺

惠州府屬縣九濱海者二曰歸善曰海豐元年

畫界自大鵬所歷西鄉凹等境 山下村小桂村石灰山鶯殼逕

仔山長山仔村金坑松園港淡水圍九里村長潭村龍古井村南前村烏栖塘村暖水湖村松

粵閩巡視紀畧 卷下

一

山下村楊山村楊公逕陳田村澗背村白雲墟  
欄盤寨烟岡寨稔山墟飯羅岡大浦屯鐵涌墟  
溪背村官田村 至雙園村為歸善邊界以外  
盤圓口黃浦墟

距海二十里者蒲田燕門舊村西村甘泉蕉坑

雙羅溪林坑十五里槁木洞後壠十三里蕉子

坑十二里官埔十里貴到河潭赤沙吳寮思鹽

臺碧甲長子仔田寮鴉雀舖遊魚灣東坑水津

園龍眼岡竹園墩山仔頭蕉子園上葵坑雲嶺

古埔峯及附海七八里至一二里潮陽村等 沙橋

湖下涌頭崗仔香涌老鴉山土彎大墳陂官溪  
大康小逕太平嶺岩前白岡西鄉石井上角沙  
頭下涌鬱頭山鹽竈山頭船凹中興宜富山小  
漠園攬涌林軍寮竹園塌元宵圍大嶺蒲菜鬱  
南坑新村仔新尾石橋復興凹石頭嶺石陂坑  
小門寨小桂凹舊村高埔沙凹嶺凹橫岡峯背  
洞內西涌港尾枯子萌赤山白花尾蓮麻坑大  
萌東坑解葵坑大水坑逕口大河渡鴨鬱高尾  
田坑松園村田寮夫子嶺古寮

有奇于平海置重兵盤圓口諸處因界設守展

界稍復今從惠州營撥守諸汛

大鵬所守備一  
把總一兵三百

名五通嶺五名鹽田臺千總一兵三十名大梅  
沙五名少梅沙五名鴉梅山五名關湖把總一

粵閩巡視紀畧

卷下

二

兵二十名西山五名水口五名黃坑五名老大  
鵬把總一兵三十名擎頭港十名白雲十一名  
稔山千總一兵三十五名平海所都司一守備  
一兵一百八十九名盤圓口千總一兵三十三  
名小漠  
五名 候閑定

過白鶴峰訪蘇文忠公軾宅遺址及豐湖諸勝

按軾紹聖元年以端明殿學士追一官落兩職

知吳州行至當塗責授寧遠軍節度副使惠州

安置以十月至惠寓居合江樓作詩云海上葱

隴氣佳哉二江合處朱樓開蓬萊方丈應不遠

肯爲蘇子浮江來蓋樓爲一郡之勝西江龍江  
至此而合西流以出虎門也尋遷嘉祐寺明年  
復返始營白鶴居有詩云今年復東徙舊館聊  
自憇已買白鶴峰規作終老計長江在北戶雪  
浪舞階砌青山滿墻頭髮鬢幾雲髻今已作道  
觀矣然詩中景物猶可想見觀有井亦蘇公鑿  
有待鑿平江百尺井要分清暑一壺冰之句白  
注營白鶴居鑿井深四十尺而得泉云其旁有  
翟秀才林行婆居址翟秀才者名逢亨性至孝  
博洽羣書郡人號爲翟夫子林行婆卽與浮杯  
答語者見傳燈錄作凌行婆二人皆軾所甚重  
嘗有暮出詩云林行婆家初閉戶翟夫子舍尚  
畱關又有過西隣翟秀才家詩云繫悶豈無羅  
帶水割愁還有劍鉞山觀此則二人之襟抱亦  
可見矣去觀稍遠有香積寺軾所時游嘗寫之  
白鶴故居圖中懸泉百仞三山遶之三山者大

北山象頭山白水山也軾以爲羅浮之東麓有  
三山屏擁僧舍小一溪雷轉松陰涼之句豐湖  
去郡城八里橫槎水自北注之其間有漱玉灘  
點翠洲明月灣雜花島陳偁領州事時所築軾  
尤賞愛嘗有新年詩云海國空自暖春山無限  
清冰烟紛瘴雨雪菌到江城更待輕雷發先催  
凍筍生豐湖有藤菜似可敵葍羹自注云豐湖  
有臙脂藤味滑美類葍也軾侍妾朝雲死遂葬  
之湖上今墓猶存旁有六如亭取雲臨終時所  
誦梵偈云軾在惠又有憶舊詩云合浦買珠無  
復有當年笑我泣牛衣自注家白鶴峰下悼懷  
同安君故有牛衣之句蓋是時軾妻已先亡而  
貧困以爲不若漢王章得罪而妻子徙合浦反  
得致產百萬也再考白鶴之居以紹聖四年三  
月成四月責授瓊州別駕昌化軍安置拜命卽  
行得安居者僅七十二日焉紹興三年虔賊周

十隆陷州城盡燬官民廬舍獨畱軾居致奠而去其見重如此

平海所洪武二十七年指揮花茂築周五百二十丈雉堞二百八十

梅蟠者元豐八年舉進士多才博學授廸功郎鄉人稱爲梅夫子今地名有大梅沙小梅沙或其後人所居也唐庚有贈梅夫子採藥行

飯籬岡洪武間設內外管理巡檢司後移黃浦

粵閩巡視紀畧

卷下

五

墟碧甲山亦有巡檢司後移淡水墟

船澳文信國移軍表求入朝處

丁未行四十里過羊蹄嶺仄徑斗絕險過大庾約十里而得平壤又八十里止海豐

戊申行四十里過白沙又四十里次東海滄驛

己酉行七十里至燈籠山又五十里止碣石衛總兵陳耀率甲士千人來迎遂登山以望羣山趨拱盡于海隅諸島環之真要區也

元年畫界自雙園村歷琵琶寨等境窩舖村圍墩圍南門

江村田寮下村羊蹄嶺鰻門港南門山渡頭岐青草頭東鄉西洋舖丁張龍鄉黃嶼鄉大德鄉

埕前鄉長福橋寮口鄉後湖鄉佛山鄉南埕鄉烏坎村南窰碣石衛上林鄉海峽北峯大蘇寮

鹿欄上崗沙尾洲仔華埔溪上寮文昌鄉大寨後窟烏塗圍赤企仔下寮鄉東樟鄉前詹鄉

至靖海所為海豐邊邊界以外距海三十里三與寨牛扼寨海山港十里水尾寨東寨水尾上

村圓墩寨汲水門寨出水村及附海五六里至

一里黃家村等新寨駱坑寨新西寨淤牛坑大坑寨牛朗寨新迺寨莆嶺上畧

粵閩巡視紀畧

卷下

六

寮中畧寮俱移并續遷共豁田地三千二百四

十頃有奇因界設守展界稍復今從碣石營撥

守諸汛小漠港十名鮪門港把總一兵五十名謝道山十五名梅隴坡千總一兵五十

名青草頭西臺十名青草頭東臺把總一兵二十名長沙臺十名馬鬃山十名墩下寨守備

一兵二百五十一名扁漏湖把總一兵三十名大帽山兵十名捷勝所遊擊一千總一兵二百

五十五名白沙湖把總一兵五十名娘岩山五名大庵山五名大德港西臺兵二十名大德港

東臺把總一兵三十名南海下灣五名南海上灣五名烏墩港西臺千總一兵五十名湖東澳東臺千總一兵三十名海甲山五名甲子港把總一兵二十名蘇公澳五名圭湖整五名烏整

港東臺千總一兵一百名小城汛三十名觀音堂五名崎石港三十名田尾寨把總一兵一百名滴水壑五名三洲壑五名湖東港西臺把總一兵一百名 候閱定

五坡嶺在縣北二里宋景炎戊寅文信國自潮陽走海豐至此方作食爲元千戶王惟義所獲正德丙子提學副使章拯于其地建表忠祠祀信國以鄒鳳陳龍復劉子俊杜許蕭明哲張唐熊桂林奇吳希奭陳子全徐榛蕭資從祀皆行府僚屬也

碣石衛城在縣東一百二十里孤懸海表城西南五里卽大海洪武二十七年指揮花茂建周一千一百二十丈雉堞二千二百六十二敵樓四樓下關門康熙八年重築城外有旗峰山山狀如旗半枕海上西南彝入貢望此爲表識峰下有桂林書院故爲永興寺廢而改作

海豐所在縣署

捷勝所海島也在縣南八十里土名石獅頭施

公寮諸村稅二頃有奇城去海二里洪武二十八年千戶侯良築周四百七十二丈雉堞九百四十敵樓四樓下關門

甲子門所在縣東二百五十里洪武間千戶盛玉築城周五百九十丈雉堞一千一百八十敵樓四樓下關門城西有西峰書院提學魏校毀西峰寺改建城下有甲子門水兩山夾石堊港北接大陂溪龍江諸水入于海海口有大石壁立上下各刻六十甲子字故名其傍有奇石十八人呼爲十八學士石宋景炎丁亥端宗自閩航海駐此舊有巡檢司在石帆都

長沙海口在金錫都一名麗江合大液小液龍津赤岸諸水入于海有大金籠山雄踞海口宋端宗嘗改名金籠

謝道山在縣南二十里志作射道大磨山志作大磨娘岩志作娘岡

梅隴海島土名燕洲蚊寮新圍王公諸村稅十  
三頃有奇

墩下馬頭有城周一里近扁涌湖去縣五十里  
其海島土名南湖東坑門烏岸汕頭浪涌諸村  
稅二頃有奇又墩東海島土名蛋家宮坭坦浩  
洋諸村稅二頃有奇

大帽山土名黃厝寮稅十頃有奇

大德汶土名南海諸村稅四頃有奇

粵閩巡視紀畧

卷下

九

烏墩海島土名深田湖沙墩諸村稅三頃有奇  
三洲湖東港海島土名湖東海仔等村稅二頃  
有奇

甲子門東有海島土名深澳諸村稅約一頃以  
上諸島俱有陸路可通

鮐門港口廣可半里去縣六十里

大德港口廣可半里去縣一百一十里

異物志南海多鯨鯢伐林邑時得鯨頭于海嶼

如數百斛岡頂上一孔大如甕俗以爲珠穴又有瓊雷魚大一丈生子朝出食暮宿母腹入從臍中出從口中腹有兩洞貯水養子一洞容二子又有鰐魚南越謂之狼藉魚長二丈背長六尺廣三寸左右生齒如鋸又有黃雀魚每八月化爲黃雀十月入海爲魚

已酉行七十里至長青寨又四十里至龍江堡又四十里止惠來所過村落炷香結綺迎導甚盛

粵閩巡視紀畧

卷下

十

潮屬九邑附海者五惠來其西境也稍東爲潮陽而揭陽在其內其東偏之地牙錯潮澄間者亦遷又東爲澄海郡治在其內去海稍遠故附郭之海陽無遷又東爲饒平過分水關卽閩界矣元年畫界自靖海所歷洪橋小黃岡田心寨至神仙寨爲惠來邊界以外附海八里至一

里湖邊鄉等

後衡寨前林村西莊村菓山鄉下後陳村驛後鄉後湖寮石塘驛東

湖鄉蓋洋寨

皆移并續遷共豁田地八百三十七頃

有奇于靖海所諸處因界設守展界稍復今從

惠來營撥守諸汛

湖仔墩五名神泉港東臺把總一兵二十名神泉司把總

一兵一百九名澳角山五名溪東山五名菱梭山五名沿錫山五名東山五名後池山五名湖口港五名大架山五名石牌澳十名靖海港東岸千總一兵二十名靖海所把總一兵一百四十二名後表山五名小黃岡寨

候閣定

邑設于嘉靖四年先爲潮陽縣之惠來諸都以去邑治遠甚吏不能理遂于其地設縣割海豐之龍溪諸都以益之治洋尾

金剛髻山去縣七十里尖峰秀拔漁舟歸海上視以爲準

靖海所城在大坭都洪武二十七年百戶董聚建周五百五十丈舊隸潮陽嘉靖三十二年改隸惠來久廢址存

神泉港在縣南十里昌山之陽中有大石潮沒而汐見人謂之石龜舊設神泉巡檢司因苦海寇官兵寄寓他所民居蕩析嘉靖三十三年分

巡道尤瑛令知縣林春秀築城周三百丈曰神泉澳城今廢又南四十里有赤沙澳沙堤可蔽海濤海艚多泊于此

庚戌行七十里至武寧驛又二十里至小黃岡又三十里渡練江海口過海門所又二十里次潮陽辛亥行三十里至達壕海島登最高峰陟峻坂五里許始至極巔一望大海浩汗無際諸洲島演漾其中更有遠峰如簪如髻乍明乍滅于重山之外

粵閩巡視紀畧

卷下

十三

卽南澳諸山也欲仍返潮陽宿會大雨止桑田

元年畫界自神仙寨歷古埕村等境

海門所桑田山虎頭

山祿景山

石井寨 至洪岡山爲潮陽邊邊界以外附海

四里至一里鳳山上下寨等

西蘆寨祿景舖赤水寨竹林寨海田

寨華陽寨

桑田寨 及達壕埠海島俱移并續遷共豁田

地七百六十頃有奇于海門所置重兵因界設

守展界稍復今從靖海營撥守錢澳諸汛

河背砲臺

千總一兵三十二名猷灣砲臺把總

一兵三十四名錢澳五名岡頭五名 又從潮陽

營撥守徑門諸汛

徑門五名徑門口五名東山口五名後溪十名蛋家宮五

名糞箕灣五名華陽臺二十名石井千總一兵八十名門闌臺三十名南砲臺四十名河溪口

十名桑田堡把總一兵又從達壕營撥守二汛

河渡門四十名  
磊石門四十名候閩定

自洪岡歷深埔山至鄒堂山爲揭陽邊界以

外附海八里至三里雙港等

土尾鄉大蓮鄉石港鄉青輿鄉大寮

鄉塔岡鄉鐵塲鄉後田鄉仙埔鄉楓鄉鄒堂鄉

俱移并續遷其豁田地

八十六頃有奇于舖前河置重兵因界設守展

粵閩巡視紀畧

卷下

三

界稍復今從潮州營撥守諸汛

北砲臺把總一兵五十名青輿

把總一兵候閩定  
五十名

水經注員水又東南一千五百里入南海東歷

揭陽縣王莽之南海亭也今縣西北有揭嶺意

爲漢舊治晉義熙間分揭陽立潮陽治臨崑山

韓文公爲刺史遷治棉陽卽今所也揭陽至晉

時已省宋復立于玉窖山

海門所洪武二十四年設二十七年百戶蔡春

遷今所更名海門旁有錢澳山石壁礮蓮花峰  
三大字萬曆六年遊擊金丹于此設蓮花營駐  
水軍以防寇

達壕埠海島也籌海圖作達頭埔在潮陽澄海  
之間西與潮陽之招寧巡司招收場諸境相接  
止隔一河其河之南口曰河渡門北口曰磊石  
門兩口俱陜止容一海艚入去潮陽邑治三十  
里周六十里有赤岡寨青林寨

籌海重編  
作青藍寨

下尾

寨圓山尾渡頭鄉白沙溪頭杉寨下穢茂洲西  
墩割頭沙浦松子山湖仔割洲澳頭諸村民稅  
八十七頃萬曆間海寇林道乾營巢于此名曰  
華美遷界時棄不設守有海寇丘鳳者據之十  
九年討平始設重鎮焉

大忠祠在潮陽東雙忠廟之左祀文信國章熙  
記曰公屯潮陽時有盜陳懿劉興數叛附爲害  
公誅興攻走懿則潮陽實蒙公惠德一宜祀公

謁雙忠廟作沁園春詞悲歌激烈則東山乃公  
伉慨矢志之所二宜祀公由潮陽西奔五坡嶺  
被執復返潮陽見張洪範秉義不屈則潮陽爲  
公窮阨仗節之地三宜祀弘治丙辰邑令姜森  
復建雙忠廟祀唐張許二公亦曰靈威廟始于  
熙寧間有軍校鍾英奉遣入京道經睢陽夢神  
告以遺像處命持歸立廟于東山覺而求之寢  
殿後果得銅像十二銅輓二遂持以歸言于有

司而立廟焉天順間嶺寇薄城望見空中車旗  
憚不敢逼後又有漳寇尋破滅捕得生口自言  
若有物禁其手握兵不能動屢著靈異廟貌日  
新

壬子行一百十里次潮州府登東山謁韓文公祠  
海陽縣元年無遷三年續遷豁田地二百七十

八頃零

村名  
不錄

文公祠在縣治東山上卽名韓山頂有三峰形

如筆牀韓文公守潮嘗于此作亭曰東山亭後  
人因名之曰侍郎亭而作祠于其旁有文公手  
植椽木二本號爲韓木郡人以其花之多少卜  
科第之盛衰竹坡詩話載宋學士王大寶贊并  
序畧曰亭隅有木虬幹鱗文葉長而傍稜相傳  
爲文公所植人無識其名故曰韓木舊株旣老  
類更蕃滋移植輒死遇春作華或紅或白簇簇  
附枝如桃狀而小贊曰召公之棠孔明之柏旣  
味勿剪且歌愛惜瞻彼韓木是封是沃匪木之  
賣德化惟服宋陳堯佐劉允揚萬里皆有詩

韓江在韓山下源出汀贛會于三河合產溪九  
河風水過鳳栖峽經鱷溪至于江經老鸛洲分  
流爲三入海江遶郡東門外有湘子橋過橋卽  
韓山也東湖又在韓山之後按憲宗元和十四  
年迎佛骨入禁中公上表極諫帝大怒將抵以  
死裴度崔羣力救得貶潮州刺史明年三月至

潮七月羣臣上尊號大赦十月準例量移袁州  
首尾在潮七月耳今潮人家弦戶誦皆文公之  
教盛德入人之深如此

鱷溪一名惡溪有鱷魚四足黃身修尾其形如  
鼉似龍無角似蛇有足口森鋸齒其運尾猶象  
之運鼻尾有三鈎極利遇人畜以尾戟而食之  
生卵甚多或爲魚鼉之屬文公知潮州以一羊  
一豚投谿水爲文告之是夕暴風震雷起谿中

數日水盡涸魚徙六十里宋咸平間陳堯佐通  
判潮州有疏黃張氏子與其母共濯于谿濱鱷  
掉尾鈎子去母號呼求救已不能及堯佐勅二  
吏操網捕之吏投網得鱷重不能舉更集百夫  
曳而出之箝其喙械其足車載而斫之于市鱷  
患遂息堯佐作戮鱷魚文世亦傳之此如禱蝗  
捕蝗各以誠感不必一術也

文公在潮嘗與僧大顛游處顛生而神異齟齬

時依止慧照元和間得法希遷歸立禪院于潮陽之靈山出入猛虎隨行手植荔枝千餘株以銅壺灌之皆遍文公與孟簡尚書書云有一老僧號大顛頗聰明識道理故自山召至州畱十餘日因與往來後愈以祭神至海上遂造其廬及去畱衣服與別長慶中顛示寂或啓其塋惟見一鏡外集又載公與大顛三書舊本無之至宋元祐七年始出注云唐元和十四年刻于靈

山歐陽公集古錄收之而蘇子辨其非是朱文公又篤信之而黃東發以爲不然近世予同里蔣之翹辨之曰按書末題云吏部侍郎潮州刺史公以刑部侍郎貶召還久之乃遷吏部不應此時卽稱吏部定係僞作予謂正書爲僧家所藏蓋刻于公去潮之後僧家無識紀遺書之歲而署後日之官遂若可疑實無足怪也三書文筆絕高簡當以朱子之言爲正靈山去潮陽邑

治二十五里有卓錫泉及大顛禪院至今猶存  
公有左遷至藍關示姪孫湘詩云一封朝奏九重天夕貶潮陽路八千欲爲聖明除弊事肯將衰朽惜殘年雲橫秦嶺家何在雪擁藍關馬不前知汝遠來應有意好收吾骨瘴江邊青瑣高議載湘字清夫公之姪也有道術能頃刻禁花使開一日戲于公前聚土覆以盆舉之得碧牡丹二朶葉有小金字卽雲橫二語也公不解所謂後以謫行始悟前語遂足成此篇酉陽雜俎亦云按史公從子老成乃兄弁之子老成生子二長湘字北渚登進士第爲大理丞次滂未仕而卒集中明云姪孫而訛以爲姪况湘登第在長慶癸卯後公遷謫四年豈旣學仙而復入仕乎至花中顯字之說鄙俚荒誕益不足言矣惟公又有曾口示湘詩而曾口在今曾城縣則湘之從行入粵甚明藍關舊注以爲曉關蓋卽杜

甫詩所謂藍田關也公赴謫諸詩自道傍埃以下前後次序班班可考其云知汝遠來蓋公先行而湘復自後追及也今惠潮之間有藍關往來題味甚多乃襲詩中語而爲之者尤足一噓黃佐粵志止載湘子橋之名而藍關及湘子學仙事皆不錄甚是

公瀧吏詩云州南數十里有海無天地颶風有時作軒簸眞差事贈元十八詩云峽山逢颶風

雷電助撞粹蓋粵人多苦颶風也作時無物不摧謂之鐵颶土人多作地室以備颶每將至天脚有暈如半虹粵人謂之破篷亦謂之颶母子贍颶賦所謂斷霓飲海而北指赤雲夾日以南翔者是也旣見此徵則天地改色海水自鳴禽鳥啾沸畜產犇駭土人倉皇徙炊器及薺米食物挈家走入穴中聚首屏息不敢出氣居久之而颶乃作但聞木石器物相撞擊于空中聲如

雷礮蓋其所居室及室中所有大率毀敗矣颯  
初起嘗于東北旣乃極于西南謂之蕩西亦謂  
之廻南三晝夜乃已穴中人度颯且已乃敢緣  
梯徐上探首出穴外察颯果息始復出治室屋  
以居焉子瞻賦云夜拊榻以九徙晝命龜而三  
卜又云埋草木之旣偃葺軒楹之已折情景亦  
略相似也字書從風從具謂具八面之風今粵  
人讀如貝音

公南食詩鬣實如惠文骨眼相負行蠓相粘爲  
山十百各自生蒲魚尾如蛇口眼不相營蛤卽  
是蝦蟇同實浪異名章舉馬甲柱鬪以怪自呈  
山海經鬣形如惠文惠文法冠也舊說鬣眼在  
背骨宜作背按爾雅翼云鬣背有骨長七八寸  
如石珊瑚則作骨亦可鬣殼甚堅可爲冠亦可  
屈爲杓尾可爲小如意燒其脂可以集鼠性畏  
蝥螯之立死暴日中不死隙光射之立死蠓卽

牡蠣初生如拳漸長至一二丈巉巖如山每孔有肉潮至孔開吸小虫食之粵人多用其殼以壘牆蒲魚一名鱖魚粵人多食石蛤一名山鷄味甚美然退之又有寄柳州食蝦蟇詩云予初不下喉近亦能稍稍似不無小異耳章舉有八脚形如烏賊而大亦曰章魚粵人用薑酢燂食味同水母馬甲杜舊注卽江瑤柱也詩又云惟蛇舊所識實憚口眼瘳開籠放其去鬱屈尚不

平本草言嶺南人截蚺蛇肉作鱠以爲珍味今盧亭蚤家岐黎之屬猶噉蛇云

公在潮時有趙德者攝海陽尉公特與友善令督州學生徒卽坡公所謂潮人初未知學公命趙德爲之師者及將移袁州欲要與俱行德不可而止公作長篇贈之略云不謂小郭中有子可與娛心平而行高兩通詩與書又云相期風濤觀已久不可渝又嘗疑龍蝦果誰雄牙鬚

按水經注滕修爲刺史鄉人語修蝦鬚長一尺  
修以爲虛其人至東海取蝦鬚長四尺修始服  
所謂龍蝦也段公路北戶錄云海中有大紅蝦  
頭可爲冠鬚可爲簪杖劉恂嶺表錄云紅蝦大  
者七八尺至一丈

元年畫界自鄒堂山歷蓮塘山等境

蓬州所屬  
汀背南洋

外沙南洋寨樟林村  
洪溝村仙村鹽竈村

至驛邊村爲澄海邊邊界

以外附海三里小坑村等

乾岡村白頭村新寮  
村大塲天港玉井石

粵閩巡視紀畧

卷下

三

城頭夏止鮑

浦蓮塘村

皆移并續遷共豁田地五百三十

五頃有奇于鷗汀背諸處設重兵因界設守展

界稍復今從澄海營撥守諸汛

小坑五名溪東  
港二十三名蓬

州所守備一把總一兵一百四十三名西港七  
名東港九名鷗汀背千總一兵三十三名新港

二十名外沙把總一兵十九名南港十七名東  
湖砲臺六名三灣把總一兵十一名平湖十六

名南洋都司一千總一兵二百七十八名山頭  
把總一兵十六名東隴臺把總一兵二十六名

樟林守備千總一兵二百七十  
八名鹽竈臺把總一兵十八名 候閱定

蓬州所城洪武二十年指揮花茂奏于蓬州都

下嶺村置所以通商彝出入之路二十七年移  
鮑江都西埕內三十一年百戶董興始砌石城  
周六百四十丈城樓四月樓四原屬揭陽嘉靖  
四十二年析置澄海遂改屬焉天啓五年知縣  
馮明玠重修

水寨城在縣西蘇灣都白塔寺北洪武三年指  
揮俞良輔築鑿池置水關西北通海可泊戰船  
池圍二百一十丈深一丈今廢鄒堂山昔有逸

粵閩巡視紀畧

卷下

十四

士居此臺址尚存

小萊蕪山在邑東十里海中一名雷子山又前  
二十里爲大萊蕪山一名雙髻山

鳴洋在南灣海中時有聲如雷鳴東則風鳴西  
則雨

乙卯行四十里踰白石嶺又五十里過黃岡又四  
十里止柘林

丙辰登鷄母嶼泛舟至南澳東望皆閩山矣是日

仍返黃岡

丁巳返潮州

元年畫界白驛邊村歷水磨村等境

長富村市頭村黃岡

江台堞大城所至分水關接福建境為饒平邊邊界以

外附海柘林寨等

賴家下岱埔下岱上灣下灣上里鄉大埕鄉長美神前嶺

後及海鳥井洲等皆移并續遷共豁田地六百

一十五頃有奇于大城所置重兵因界設守展

界稍復今從黃岡營撥守諸汛

玖溪橋把總一兵二十名員頭

粵閩巡視紀畧

卷下

五

臺五名峙頭臺五名五塘港五名獅頭五名林

厝五名草尾五名下尾五名竹林十名橫山把

總一兵二十三名南礮寸路大城所都司一千

總一兵一百六十四名上垵尾十名紅螺山把

總一兵九名鹽樓山五名鷄母澳把總一兵九

名柘林守備千總一把總一兵一百六十名青

山十名鐵牛港把

總一兵三十名 候閱定

大城所在縣東宣化都鳳獅合山之下洪武二

十七年百戶顧寶築周六百四十三丈嘉靖戊

戌重修增廓五十三丈

大尖山在縣東南百里峻如筆立為高埕柵之

鎮其東大埕柵有鳳髻山左虎嶼右獅嶼相距  
半里許西大港柵有烟樓山

疏作鹽樓山

南柵林寨

有紅旗山下爲柘林澳皆邑險隘四柵之中設

大城千戶所其東南有鯉魚山又二里有紅羅

山

疏作紅螺山

港通潮水蜿蜒四十里柘林在其南

暹羅日本及海賈嘗泊巨舟于此

黃岡鎮城在饒平西南九十里宣化都去府城

東南亦九十里正南去海十里嘉靖間知府郭

粵閩巡視紀畧

卷下

三

春震建城周一千二百餘丈門四 國朝順治

十七年饒鎮總兵吳六奇重建周六百五十五

丈高一丈三尺堅厚倍昔以黃岡溪而得名黃

岡溪有三源一源出九巒山南流五十里至縣

東南兩山對峙爲河門一源出桃源山北流二

十里經縣北城隍山一源出梅峰東北流二十

里經縣南天馬山皆入于河門并行十五里至

吳院渟渚中有巨石如獅虎曰石溪又十里有

盤石中起一竅出溫泉曰湯溪流經燈檜溪會  
大榕小榕潘段三溪流十五里爲黃岡溪分爲  
三溪入于海有棲雲亭在鎮城之石壁山松筠  
蒼翠石洞窅冥羣峰環繞滄海在目一方勝槩  
也余散人所築自黃岡東南三十里爲大城所  
更十里爲柘林寨又東八里爲鐵牛港卽閩界  
矣自柘林而南至南澳海程四十里自黃岡而  
東稍北二十里爲分水關

柘林寨嘉靖四十五年提督侍郎吳桂芳題設  
指揮一員官兵一千一百七十五名兵船四十  
五遇汛出洋後以倭警更益兵千餘

市頭鄉小洲也在黃岡西南五十里長十里廣

二里員頭鄉與市頭相接係界內

井洲鴻門皆海島在黃岡正南二十里周四十

里隔水半里曰石狗門

海山島在井洲東南隔水十餘里周四十里

大金門小金門在海山外無田土

下尾溪一名水寨溪邑南四十里有程洋岡宋  
哲宗時場官李前于此鑿溪東行十五里至神  
山會水寨溪

南澳山界連兩省蜿蜒于潮之饒平漳之詔安  
綿亘二百里望之三峰如筆架下藏三澳曰深  
澳曰青澳曰隆澳延袤三百里田土饒沃舟楫  
爲路有鎮城南枕金山北控蠟嶼雲蓋揭其東

有古寺焉果老羊碑白牛鷄籠諸山迤邐而東  
散爲前江後汐西閣諸村又東則爲長沙尾南  
有白沙烏頭諸村設走馬舖戍兵所往來也西  
有內澳外澳及竹栖九閨諸澳則閩境矣有太  
子樓在城南旁有行宮故蹟宋少帝駐駕之地  
也明王弼詩云疊石爲樓雲影平樓荒空有石  
崢嶸殘基草長陰狐嘯幽壑人稀野燐明少主  
羈魂悲海島孤臣忠魄遶殘營只今樓下潺湲

水似爲當年作怨聲有侍郎嶼宋陸秀夫後人  
家于此故名嘉靖間郡守葉元玉得陸氏遺譜  
于秀夫之裔孫大策兵燹之餘僅存二葉中云  
侍郎墓在南澳山青徑口又云公四子有曰繇  
者好漁獵被逐遂家于此及崖山之變秀夫盡  
驅妻子赴海而此支幸存其後子孫散處郡境  
云譜後有水村劉璽詩大策嘗訪其族人于海  
邊沙岡耆老引大策入左畔青麻園指其地曰

粵閩巡視紀畧

卷下

无

此學士館遺址也其蓮花石礫約丈許天井階  
闌次第如故但青徑之墓則不知其處矣侍郎  
爲海州人大策家又藏有廣陵牡丹圖卷林霽  
山題詩云南海英魂叫不醒舊題重展墨香凝  
當時京洛花無主猶有春風在廣陵霽山亦宋  
末義士也洪武二十六年信國公湯和經理粵

疆奏南澳爲倭藪請徙其人內地澳地遂虛

閩志

云成化

而糧額未豁正德六年知府譚綸奏以

廣濟橋鹽利抽補民便之自後海寇許棟許朝  
光吳平曾一本等先後據爲窟宅而倭舶之入  
寇者盤牙雜處以互市爲名廣捕急則犇閩閩  
捕急則犇廣匪茹糾結非復人境許棟者黃岡  
人也自幼爲盜招集多人遂爲渠率無子養謝  
氏子爲子名之曰朝光分所部授之令抄掠潮  
陽招收塲諸處而身往外洋嘉靖三十二年棟  
自日本歸朝光遮殺之石牌澳盡有其衆遂構

巢澳中自稱澳長官兵莫能制當事屈意招撫  
令居海陽之關望村朝光擁衆桀驁分遣其黨  
據牛田鮑浦諸海口商賈往來給票抽分名曰  
買水朝光居大船中擊斷自恣或嚴兵設衛出  
入城市忘其爲盜也時又有何亞八者與其黨  
鄭宗興王直徐銓方武潛引佛大呢國番舶入  
寇三省皆被其毒三十三年提督侍郎鮑象賢  
定西侯蔣傳遣副使注柏指揮黑孟陽等督兵

捕之擒亞八于三洲銓武宗興次第授首于柘  
林諸處邊患少息明年許朝光爲其黨陳滄海  
所殺三十七年倭據黃岡海寇許老等挾之爲  
亂瀕年不止四十二年倭復大至衆號一萬明  
年繼至者又萬餘提督侍郎吳桂芳調狼土官  
兵四萬五千福兵一萬五千以伸威營總兵俞  
大猷副總兵湯克寬總領之相持兩月賊不得  
野掠少困官兵一勝之滅水神山再勝之大德

港又會颶風三日倭踪自相撞擊覆溺幾盡而  
海寇吳平起倭之敗散也餘衆不能軍平收而  
有之退保南澳構巢以居流突神山古埕諸村  
及漳之懸鐘事聞勅兩省協勦總兵戚繼光都  
司傅應嘉率兵深入搗其巢穴平乘小牒逸去  
或見其死于海島抱枯樹成稿腊焉而曾一本  
復熾曾一本者詔安人吳平之部曲也險狡多  
智數自殺叅將繆印遂不可制總兵俞大猷使

人誘降欲生致之一本覺其意因借以愚大猷  
挾大艘六十直趨大鵬一把總察其意色非是  
言于大猷大猷始倉皇修戰備陳未定而賊發  
投火蕪官船俱盡一本遂縱掠直抵廣州題詩  
海珠寺壁以誚大猷揚帆竟去隆慶三年廷議  
特簡兵部侍郎劉燾總督福建兩廣以討之燾  
至會同閩撫塗澤民粵撫熊桴遣總兵俞大猷  
郭威李錫叅將王詔等相機撲勦連勝之銅山  
懸鐘蓮澳一本手蕪砲以擊官軍砲炸墮指并  
傷其足遂被擒伏誅其餘黨林鳳林道乾等猶  
綿延不絕鳳爲官兵所逐走呂宋攻其玳瑁港  
破之築城以守治戰艦勾番人爲入犯計萬曆  
二年閩撫劉堯誨偵知之遣人馳諭呂宋國主  
發兵討捕鳳勢大挫逸入廣澳總督侍郎凌雲  
翼檄總兵張元勳副使趙可懷擊之碣石破之  
又敗之淡水洋鳳遁走不知所終而林道乾遂

據南澳與其黨朱良寶魏朝義莫應敷寇鈔諸  
路無虛月官軍搜勦急道乾走交趾良寶據南  
洋總兵張元勳用攻車陷其壘良寶死于是總  
督侍郎殷正茂會同閩撫堯誨請設重鎮于南  
澳外以奪海寇之巢內以絕接濟之路左以伸  
閩之臂指右以固粵之門戶又可以興屯田開  
海利朝議然之遂設協守潮漳副總兵一員領  
戰船十三兵六百餘名令于南澳要地創城池  
建營屋以居粵之柘林閩之懸鐘皆聽其節制  
責令兼防兩省往來討逐無以寇氛流逸爲解  
此鎮城開設之始也萬曆四年總兵吳繼芳建  
城周五百丈高二丈二尺門四自設鎮之後兵  
民安處生聚殷富寇氛偃息比于內地而竝海  
諸汛亦得息肩矣萬曆二十年粵帥陳璘巡歷  
至其地見地力未盡課民種樹璘捐資先種松  
苗四萬杉苗三萬以倡之官民因而踵成數年

之間蔚然葱茂民居益稠有南澳種樹記見志  
中時有章熙作南澳賦曰相彼南澳爲潮邊幅  
環大海濱枕金山麓浪澎湃而作聲潮旁午而  
拖綠森森冥冥天連日沃元元冥冥魑形鬼物  
冰岸橫飛雪崖磅礴烏巖如礮之堆白沙如練  
之束後宅如屏之張長尾如釜之覆溜頭前錢  
竹栖獵隩左輔右弼灣灣蠹蠹大小彭山又有  
萊蔽金山岐山遠近側目黃芒陳岐杳冥元谷  
柘林樟林蒼蒼鬱鬱九閩洋嶼白牛西閣平原  
曠野水暖土沃可耕可獵有禾有穀先種後熟  
則謂之稔有實無稊則謂之穢涯巖紫菜可當  
采菹燕窩藻粉不盈一劑至若海錯尤難枚舉  
阿羅一首十身如許鱗身十翼鱗有毛羽鱉牝  
負牡鰭腹有子豚膏可燃命之懶婦白鯊吹沙  
又云射鮒烏鰂嘆墨水黑如霧方諸珠垂車螯  
肉吐帶殼玳瑁珊瑚火樹將軍大帽龜脚鷄距



流携惠通商賈島巒膽  
喙息偃僂童童桑柘  
芑芑苗黍濟濟青畬亦  
藝圃昔爲獍巢今變

鄒魯海不揚波功豈小

附瓊州府轄三州十縣  
中有五指山乃黎岐所

居而州縣反環其外惟  
定安居中餘皆濱海勢  
不可遷但卽濱海之村  
畫界禁民外出白海口

所歷龍岐村興仁村調  
村濱順村至豐華村爲嶼山東

畔邊自那豆村歷溪尾  
雲樓村林梧村菱塘  
村潮灘村抱凌村沙

粵閩巡視紀畧

卷下

美

港村南海村南  
至邁陳村爲文昌邊自馮家村

砣村青一村  
歷檳榔埗排田村官塘  
歐村雙萬水村龍灣村舊地村苗美

園村教村草塘村  
潭門村斗牛村  
至舊縣村爲會同邊自營內

村歷頭稍村  
得環村後  
招撫村竹仔羅東邊田村西邊田

村下坡村嶺村黃枝埕  
落尼村油潭散村買礮村  
至沙尾上村爲樂

會邊自南港村歷多格  
青山營馬容村橫山  
村栗鬼村港北村那

落村排田村青頭仔村  
梅籬村翁墳村大塘村

番禺村烏塲村下坡村  
南道村烏泥村新潭村  
上坡村草洋村保定村  
長山村東澳村龍保村  
至芎前村爲萬州邊自

南海村歷舊凌水村

烏石村楊梅村伽葉村田頭村獨嶺村港波村多輦

村多謀村黎奄村後嶺村祖客村嶺仔村大墩村桐棲村鹽竈村番村鷹秋營

至土囷

村為陵水邊自抱駕村歷竹科村

墩菌村港頭村老孔村老

麥村番人塘汗山村窯爐村溝赤陶村赤面村

黃流村望樓村容村樂羅村新村九所村十所

村羅馬村四所村鹽爐抱臘村五都鹽樓保平

港大小蛋村西廂崖州城玉皇廟官道新村多

輿村多拋村黑泥村打保村三亞營港沙尾村

董隆村多岸村荔枝村小橋營官道白沙屯村

中間爐莊頭村康魚塘村竈上村

至土庫村為

崖州邊自北黎村歷三所村

十所村高排村蛋村踏田村深田村

至海棠村為感恩邊自水牛塘村歷哥來村

園小

村烏沙村蛋塲村中間村居恨村英恨村沙村四更村馬嶺村

至孽障村為昌

化邊自里赤村歷留村

頓積村青豪村英田村神垆村買龍村鄧屋村

零山村握垆村東岸村港坊村沙蘭村權頓村

南吉村東塲村魚骨村水井村地村新坊村白

沙穴村揚市村林屋村峩幔村下垆村鹽丁村

新英港村滴灘村沙地村赤海村南源村馬蘭

村陳村公塘高山村那烟村羊會村苻村于垆

村涂屋村水流村察坊村山村鹽田村燭石村

會垆村薛屋方村大井村村關村潭龍村南邊

村趙屋村黃姜村番浦村新地村新英村琶郎

村白沙村苻村藤根村寨村茂根村南莊村鎮

遠村黑石村打蠟村松明村沙溝村麥慢村頓  
色村打卜村頓樓村遠村警村笋根村木龍村  
安海 至木萬頭村爲儋州邊自抱東村歷博早  
村

沙螺村那嶺村坡地村多懷村  
卷蘇村居執村前南村巨洪村 至蘭林村爲

臨高邊自蛋塲村歷東水村  
石礮村南楚 至三  
村玉抱村

墩村爲澄邁邊自小英村歷西塲村  
白廟 復至  
墩

海口所爲瓊山西畔邊周環立界二千七百里

惟海口所津渡往來如故自餘魚鹽小徑俱禁

斷不行從瓊州營撥兵擺邊如內地侯閔定

山海經離耳雕題二國皆在鬱水南漢武帝始

置儋耳珠崖二郡元帝時罷孫吳置珠崖郡于

徐聞地以招遠人竟不從化隋始開郡設十縣

又置儋耳臨振二郡然元和志有之而隋書不

載也惟誠敬夫人廟碑有賜臨振縣爲湯沐邑

之語今崖州是也瓊山漢爲瑋瑁縣澄邁漢爲

旬中縣文昌漢爲紫貝縣感恩漢爲九龍縣隋

大業中置昌化陵水唐貞觀中改紫貝爲平昌

尋又析置萬州臨機二縣今爲萬州臨高瓊山  
南境皆獠所居唐咸通五年遣辛傳李趙四將  
軍提兵擒黎渠蔣璘等遂定其地置忠州顯慶  
中復置樂會縣于黎黑村元將朱斌深入黎穴  
得峒六百復置定安會同二縣于唐忠州地

按史唐德宗時珠崖黎氏三世不賓嶺南節度  
使杜佑討平之蓋蠻獠之長故爲黎姓而後遂  
因之爲號云或曰蠻謂山曰黎以其人環居五

指山下故謂之黎亦作俚伊尹正四方獻所謂

損子產里是也

損子產謂食首產  
子蠻也里音黎

在內爲生黎

近外曰熟黎又有岐人卽隋書所謂奄也錯居

黎中黎人之俗男子耕農射獵女子蠶桑織績

居常以吉貝爲衣僅掩前後名曰黎埵椎髻額

前女年及笄涅其面爲極細虫蛾花蘄之狀間

以淡粟紋謂之繡面男子亦文臂股其富者男

戴藤六角帽花鬘纏腰銀環綴耳婦人戴花箭

笠文領露胸加袞數重以五色吉貝爲之得中  
國綵帛拆取色絲和吉貝織之爲黎錦黎單殊  
精好嘗飲石汁釀安石榴花爲酒地產香木其  
木類椿及檉柳葉似橘花白子若檳榔大如桑  
椹交州人謂之蜜香取者先斷其根皮斃朽爛  
而心與節不壞沉水者爲沉香細枝堅實者爲  
青桂香半沉浮者爲鷄骨香形如馬蹄者爲馬  
蹄香竈者爲棧香有竹名篋篋爲弩極勁或云

出思牢國李商隱射魚曲云思牢弩箭磨青石  
繡額蠻奴三虎力是也然其音又轉爲澁勒東  
坡有詩云倦看澁勒暗蠻村卽知爲瓊產矣又  
有小馬翠羽黃蠟之屬多爲服器所資與爲市  
者必因熟黎以通于生黎亦有食宿其家與通  
有無者然重約信取償必嚴大率歲加一倍一  
縉之逋累之十年卽至千縉得負責者輒筭繫  
之用荔枝木關其頸以勒贖滿數乃釋其俗不

知禮義作木棧以居蒙之以茅形如覆盆人臥棧上畜處其下男女無別嘗以春月爲鞦韆會淫歌相挑兩相諧合卽爲匹偶父母不之禁也其送死鑿圓木爲棺卜葬以卵擲卵不破卽爲吉壤其村聚曰峒峒大者千家小者百餘家峒各有主父死子繼夫亡婦代多有藏先朝文告者性克悖好鬪木弓竹弦骨鏃無羽射必命中刀槊不去手小失意卽起而相擊刺驍健耐勞苦騰蹕險峻飄忽如風悍者或捕生蛇食之身嘗蛇腥重報讐刻箭爲誓射着梁上雖易世不除報已乃除將攻讐必先數日誓戒椎牛醢飲共爲犬嗥自謂其先狗種呼之以冀冥助也其合戰必令婦女從其後戰已婦女競出扶輿創殘拾墜矢兩不相犯謂讐止一家傷婦女則婦家亦爲讐益樹敵故不爲也地出奇藥傷者服一丸立愈死者密瘞之妻子相戒勿哭惡得不

武名岐尤狼戾得內地人輒懸之以爲射的使  
少兒習射或烹食之蓋其居益深去王化轉遠  
幾非人類也凡黎人岐人皆吏治所不及唐取  
黎地開忠州旋廢宋初用李承矩爲四州都巡  
檢使拊循得宜民彝安靖乾道間小梗卽用黎  
人王日存等招降之官日存爲承節郎子孫世  
襲五指生黎歸化者十餘峒由是峒首多王氏  
有王二娘者饒財而得衆心受封宜人爲三十

六峒主老無子請以女襲封許之慶元中通判  
劉漢初建社學勸率有方黎獠遣子受業終宋  
之世無大亂元初設黎兵萬戶府卽用峒長典  
兵與州縣爭權相軋遂以開釁而海南脊脊多  
事焉至元十六年用安撫使陳仲達言大發兵  
遣都元帥朱斌深入黎巢刻石五指黎婺得峒  
六百立安定會同二縣及萬全一寨而還居亡  
何居野峒賊起主簿譚汝楫討平之迨至順間

而黎獠王馬同王官福王六具先後叛攻陷會  
同樂會萬安文昌定安元統元年命叅知政事  
完澤會兵討之澤至軍受賄取成罷兵自是元  
亦不振矣明洪武二年末嘉侯朱亮祖定雷州  
威聲遠振諸黎望風納款獨樂會小踴洞未順  
命亮祖遣指揮耿天璧討平之盡革元人之弊  
黎官子孫不得承襲亂風少止末樂二年崖州  
太學生潘隆請身往招黎授知縣銜遣之招至  
七方等八峒生黎八千五百人及抱有等十八  
村已而巡按御史汪俊民又言招黎當用同類  
改遣宜倫熟黎王賢佑銜命以行與之約熟黎  
隨產納稅一切徭役無所與生黎新附者免產  
稅三年于是諸黎接踵至招撫官率之以入朝  
皆優詔勞賜之歷宣德正統相繼不絕成化五  
年七方黎符那南叛都指揮王璉討平之後十  
年其族人符南蛇復起圍儋州昌化犯臨高上

命伏羗伯毛銳將十萬衆征之是時賊黨相連  
結甚衆官軍戰數不利指揮何清沒于陣諸將  
皆謂必先剪外寇乃可深入銳曰不然我先搗  
其巢禽渠魁以令諸部誰敢不服所謂疾雷不  
及掩耳者也遂進兵分軍爲三令指揮錢璋將  
左軍當蓬墟抱吉指揮馬義將右軍當落基落  
窰叅將馬澄由中道入越三日攻克新塲海田  
頭寨符南蛇盡銳出戰中流矢赴水死餘黨悉

平嘉靖二十三年鷓鴣黎陳那任等犯安海指  
揮張世延戰死事聞命安遠侯柳珣將大軍駐  
雷州督叅將程鑿等進戰破峒二百七十斬首  
五千五百登黎癸山巔而還是役號爲大捷然  
官軍亡失亦多萬曆二十七年居祿黎馬屎叛  
總督戴耀遣遊擊鄧鍾討之鍾分兵入定泉水  
焦而身攻碇門克之遂定居祿獲馬屎斬首千  
八百凡此皆用大衆有戰功可紀者也其餘寇

鈔時有師亦屢出或無功或師退而旋聚不勝  
書粵人郎中吳會期給事鄭廷鵠都御史海瑞  
及總兵俞大猷叅將黎國耀等先後建議略言  
黎亂不止由于大創之後漫無經理向化之餘  
貪吏啓釁耳欲計久遠莫若開十字道以貫其  
中堅以道里計之南北自府至岷千里東西自  
儋至萬六百里爲距海直徑之數論其實自府  
南至沙灣三百里而遙自岷北至羅活三百里

而近久爲坦途度未開之路南北不過二百里  
東西則又少矣誠能相其溪壑平其險阻使官  
民往來周通四達則黎之險失而勢渙然後開  
設州縣置屯立戍輿圖所載有漢時樂羅縣址  
隋時延德縣址唐時臨川落屯縣址宋時鎮州  
鎮寧縣址皆在賊中不難循跡而復置也因拔  
其秀良被以文教禁挾弓矢以變其兇戾之習  
則黎人皆爲編戶而誅戮之慘可弭矣乃或以

險阻瘴癘爲疑不知黎境外若險阻內實坦平  
田皆膏腴閩楚亡命多逸入黎中室家聚居未  
始以瘴癘爲苦也黎衆與瓊民較不過五之一  
行之有漸自不患其跳梁議者之說如是予按  
瓊郡地腴而民樸稻三熟蠶八綿不產狼虎而  
有香藥文木之饒秀民挺生輝映史冊明太祖  
謂之奇甸非虛也獨黎人介處其間自外王化  
要亦猶夫人耳非如異類之不可格也漢人初

開珠哩旋議棄之楊子雲曰珠哩之棄捐之力  
也不然將令鱗介易我衣裳蓋其憎疾之如此  
今竟何如耶元立黎兵萬戶府用反側之人以  
備他盜假之兵權反使吏不得禁其召亂固宜  
明初用文告柔遠而得少安利害略可睹矣至  
于開道之議王文成公嘗用之平濶之後當時  
鑿龍南山腹數百里以穿賊壘商販度嶺走番  
禺者皆樂其徑直久之遂成康莊輪蹄旣多伏

莽未絕成效可覆按也舊志嘗言黎婺山高出雲表人跡所不到疑爲天仙化人所居然朱斌程鑒嘗登其巔矣烏睹所謂神怪者乎謂黎巢人不可至亦猶是矣略述歷代拊循征討得失之故著于篇俾後之君子得覽觀焉

四月癸亥朔

甲子質明同學士臣石柱郎中臣張建績主事臣殷特總督臣吳興祚巡撫臣李士楨拜廣東耕種

粵閩巡視紀畧

卷下

七

防守事宜疏略曰臣等會查得廣州惠州潮州肇慶高州雷州廉州等七府所屬二十七州縣二十衛所沿海遷界并海島港洲田地共三萬一千六百九十二頃零內原遷拋荒地二萬八千一百九十二頃零額外老荒地三千五百頃零應交與地方官給還原主無原主者招徠勸墾務令得所外有欽州所屬之澗洲吳川所屬之稠洲隔遠大洋非篷桅大船不能渡仍棄勿開臣等宣布

皇仁百姓驩呼載道據州縣衛所陸續呈報復業丁  
口三萬一千三百有零承墾田地一萬一百四十  
六頃有零其丁口姓名及拋荒老荒開墾屯田鹽  
田竈田分別細數應聽該撫造冊另報照例起科  
邊界旣開無篷桅小船筏子准其捕魚漁課鹽課  
亦應照例起徵惟海禁如舊先因遷界沿海多設  
墩臺今旣展復應將不緊要處兵丁歸併緊要處  
議得欽州之龍門去州治五十里原係界外海島  
小山交錯水逕周通可以行舟亦可藏舟爲全省  
西南門戶緊要此處多設水師可以兼顧欽州乾  
體而欽州乾體之重兵可裁應于龍門增設水師  
副將一員都司一員其欽州營遊擊一員應裁去  
其下守備一員千總二員把總四員兵一千十三  
名裁歸龍門乾體營遊擊一員應裁去其下酌裁  
守備一員千總二員把總四員兵九百八十七名  
歸併龍門共足二千之數以立龍門營防城界連

粵西交趾從龍門營撥守備一員千總一員把總  
四員兵四百名駐守卽于其中分千總一員兵一  
百二十名防守王光十萬山如昔峒等處欽州應  
設城守從龍門營撥都司一員千總一員把總一  
員兵四百名駐劄卽于其中分千總一員兵一百  
二十名防守烏雷海牙山港等處乾體營官兵裁  
歸龍門外尚餘千總一員把總二員兵三百七十  
九名仍畱本營卽于其中撥把總一員兵一百二  
十名防守冠頭嶺大觀港等處再從龍門營撥守  
備一員把總一員兵二百名駐劄永安所防守白  
龍城珠場寨等處自防城以下四路官兵俱令龍  
門副將專管仍聽廉州總兵官統轄從石城營撥  
千總一員兵一百名守急水砲臺從雷州營撥千  
總一員兵一百名守樂民所再撥千總一員兵一  
百名守海康所再撥守備一員把總一員兵三百  
名守錦囊所再撥千總一員兵七十名守青桐流

沙砲臺海安所係渡海往瓊州之津口緊要現設  
遊擊一員兵一千名應仍舊卽于其中撥把總一  
員兵一百名分防三墩白沙等處從白鶴寨撥千  
總一員把總一員兵二百名分防雙溪口庫竹渡  
海頭臺等處海安白鶴二營仍令雷州副將專管  
從吳川營撥千總一員把總一員兵一百五十名  
分防蔴斜限門等處從高雷總兵營撥把總一員  
兵五十名守茂名之那棗臺從電白營撥把總二  
員兵一百三十名分防赤山港山後港河口砲臺  
等處自石城以下諸路仍聽高雷總兵統轄從春  
江營撥把總一員兵五十名守白額港再撥守備  
一員把總一員兵二百名守雙魚所再撥千總一  
員把總一員兵二百名守北津寨從那扶營撥把  
總一員兵七十名守陡門港從廣海營撥千總一  
員把總三員兵二百五十名分防橫山長沙圃山  
銅鼓角諸處從新會營撥千總二員把總一員兵

二百名分防啞門虎髻山外海嘴等處香山縣之前山寨去澳門二十里在海邊緊要設有副將官兵二千名應仍舊但向來止駐縣城未赴汛地應量畱都司一員千總一員把總一員兵四百名防守縣城餘兵一千六百名及本副將應令移駐前山順德縣係省會西南水路門戶緊要設有總兵官兵三千名應仍舊自春江以下諸路仍聽順德總兵統轄東莞縣之虎門寨在海口去縣六十里

粵圖巡視紀畧

卷下

五二

係省會東南水路門戶緊要設有副將官兵二千一百八十名應仍舊但向來止駐縣城未赴汛地應令移駐虎門卽于其中撥千總一員把總二員兵二百名分防橫當砲臺山前砲臺三門砲臺諸處從新安營撥把總一員兵一百二十名分防碧頭臺嘴頭角南山臺北佛堂等處虎門新安二營仍聽左翼總兵官統轄從惠州營撥守備一員千總一員兵二百名駐大鵬所分防老大鵬等處再

撥都司一員千總一員把總一員兵二百名駐平  
海所分防盤圓口稔山汛等處大鵬平海二路仍  
令惠州副將專管從碣石衛撥千總一員把總一  
員兵一百五十名駐墩下寨分防青草頭鰲門港  
再撥遊擊一員千總一員把總一員兵六百名駐  
捷勝所分防扁涌湖大德港烏墩港等處再撥守  
備一員把總一員兵一百五十名駐甲子所分防  
湖東港田尾山等處墩下甲子二路令捷勝遊擊  
專管從惠來營撥把總一員兵一百名守神泉港  
再撥守備一員把總一員兵二百名守靖海所兼  
防小黃岡自墩寨以下五路仍聽碣石總兵統轄  
從海門營撥千總一員把總一員兵八十名分防  
河肯砲臺猷灣等處從潮陽營撥把總一員兵五  
十名分防桑田堡等處達濠新設副將官兵三千  
名原非經制部議令于全省額內通融酌裁今經  
總督題畱在全省額內裁去三千名以合原舊總

額查達濠雖係要地但在碣石潮州之間兩地各有重兵而達濠又置三千之戍浮多况現議設守南澳足以壯潮揭聲援應將副將及都司二員守備二員千總四員把總八員兵二千名裁去止畱守備一員千總二員把總四員兵一千名改設遊擊一員以領之卽于其中撥把總二員兵八十名防河渡河磊石門從潮州營撥把總一員兵五十名防守青嶼海口從澄海營撥都司一員千總一員把總一員兵三百名駐蓬州所分防溪東港鷗汴背等處再撥守備一員千總一員把總一員兵二百名駐南洋分防樟林山頭仔等處從黃岡營撥都司一員千總一員兵一百名守大城所再撥守備一員把總一員兵一百名守柘林寨再撥把總一員兵三十名分水關自海門以下諸路仍聽潮州總兵統轄南澳海島離岬四十里係粵閩接壤之區全省海疆東北門戶扞衛潮漳最稱緊

要應設官防守但經部議令粵閩督撫提臣會議  
具題不便遽議俟臣等至閩會同將軍施琅于閩  
省議設兵防之日再議具題至于附近海島洲港  
既已給民耕種應聽地方官酌撥官兵防守自防  
城至分水關沿海防守兵丁共壹萬肆百名瓊州  
府孤懸海表轄十三州縣黎人居其內周圍二千  
餘里設有總兵官官兵四千六百餘名海口所北  
渡襟喉設有水師副將官兵一千二百名應仍舊  
至邊海水師應設船隻聽該督撫另行議題所裁  
副將遊擊都司守備該督給文赴部候補千總把  
總畱于本省遇缺補用其添設龍門副將一員都  
司一員達壕遊擊一員聽部炤例推補可也

屯田設于明初因明太祖初得金陵民無定居  
耕稼盡廢糧餉匱乏命諸將分屯龍江諸處自  
後漸推于天下廣東之制定于永樂二年大約  
每所設指揮一轄千戶五每一千戶轄百戶十

每一百戶轄總旗二小旗十旗軍百凡一百十  
二人爲一屯五千六百人爲一所其定額也然  
亦有一百戶而止轄旗軍七八十名者一千戶  
而所轄百戶或七或五或三者一指揮而止轄  
兩三千戶者每旗軍一名給田二十畝計其所  
入約米十八石令以十二石自養六石輸官爲  
操守班軍之餉小旗則每名給田二十二畝總  
旗又益至二十五畝而輸官皆止六石用以厚  
之正統間復令每軍給種子一石每兩軍給耕  
牛一頭其更番之制以三分上班七分屯田上  
班哨守則又有每月月糧一石行糧四斗五升  
之給初制未嘗不善也其後日久廢弛官軍往  
往盜賣衛所腴田半爲豪民占奪所存荒瘠不  
足輸官枵腹掛名而已甚有田已去而軍籍存  
口久而迷其所賣之主以致不耕寸土而空輸  
每畝三斗之籽粒者本軍貧不能納則扣其伍

軍之月糧又益以官舍之賠累軍政遂以大壞  
貧軍困不能支請改折請丈量紛紛不已于是  
有水坍砂壓荒占迷失之籍量減科糧至每畝  
一斗參差不等國初盡罷衛所屯軍籍昔日之  
屯田領于縣官紛紜一洗然籽粒之征仍爲每  
畝三斗視民田數倍軍戶畏避逃竄日益荒蕪  
元年畫界瀕海者多在界外八年展復猶未盡  
開十年巡撫劉公秉政憫軍丁困苦疏請減額

照民田上則起科每畝八升八合八勺一抄見  
于省志今屯冊所載猶用舊額未暇深考其遷  
移田土之數除墾復外現在給民者廣州左衛  
田地五十六頃零廣州右衛田地七十九頃零  
廣州前衛田地四十三頃零廣州後衛田地七  
十三頃零廣海衛田地六十五頃零新會所田  
地二十二頃零新寧所田地七頃零香山所田  
地一十四頃零南海衛田地一十八頃零東莞

所田地六頃零大鵬所田地一十五頃零碣石  
衛田地五頃零甲子所田地三頃零平海所田  
地一頃零潮州衛田地一十二頃零澄海所田  
地五頃零大城所田地一頃零寧川所田地一  
頃零雷州衛田地三十二頃零海康樂民所田  
地四十頃零已彙入州縣民田之中因分隸不  
定附載于此

洪武二年設廣東海北二提舉鹽課司廣東提

舉領十四場曰靖康屬東莞縣曰歸德曰東莞  
曰黃田皆屬新安縣曰香山屬香山縣曰筲崗  
曰海晏皆屬新寧縣曰雙恩屬陽江縣曰鹹水  
曰淡水皆屬歸善縣曰招收屬潮陽縣曰小江  
屬饒平澄海二縣今黃田併入東莞鹹水併入  
淡水止十二場海北提舉領十五場曰白沙曰  
白石曰西鹽白皮曰官寨丹兜皆屬合浦縣曰  
蠶村曰調樓皆屬遂溪縣曰武郎屬海康縣曰

博茂屬電白縣曰茂暉屬吳川縣此海北九場也餘海南六場皆屬瓊州又海豐縣有石橋場

見冊惠來縣有隆井場

見志

則初制所無也其歲額

有出之竈戶者有出之水客者有出之商人者  
在場煮鹽者爲竈戶有日辦三斤夜辦四兩之  
課赴場買鹽者爲水客有生鹽熟鹽抽價之課  
從客受鹽而行之贛吉南安諸府者爲商人有  
正鹽餘鹽納引之課竈戶之課徵之兩提舉司  
水客之課權之神安斗口諸埠商人之課收之  
浹涯廠廣濟太平二橋軍國之需頗賴以濟

國朝仍明之舊元年遷界諸場多在界外仍許竈戶

單身出界熬鹽然虧課甚多三年後無徵鹽課

八萬四千五百八十三兩有奇略居原額之半

展界後漸增二十一年尚缺七千七百九十一

兩有奇未入題奏乃各場地名多與遷界相出

入附志于此備參攷焉

